


საქართველოს რესპუბლიკა

გამოცემის 81-100 წელი



იმისთანა წმინდა საძმომი, ბოგბივ ბიჭ-
უჭი სიფყაა, ცუდილებით და ჭიბბით ბუბ-
თის გატანა ყველა უჯარბისბაჭე უსამაგლუსია.

პარასკევი, 29 ივნისი. 2018 წ. №133 (8534), ელ.ფოსტა: sakresp@mail.ru და sakresp@top.ge ფასი 50 თეთრი.



6-წლიანი სასჯელი დაგიგაბას, მიხეილ?

საპარტიველოს ყოფილი პრეზიდენტი, მიხეილ სააკაშვილი თბილისის სახალაძო სასამართლომ ვალერი გელაშვილის ცემის საბრძოლო დაზარალებულად ცნო.

აღნიშნული გადაწყვეტილება მოსამართლე შორენა გუნცაძემ გუშინ გამოაცხადა. მან აღნიშნულ გადაწყვეტილებაში პოლიტიკური მოტივი გამოიხატა.

გელაშვილის ცემის საქმეზე სააკაშვილს 6 წლით თავისუფლების აღკვეთა განესაზღვრა, მას ასევე 2 წლითა და 3 თვით სახელმწიფო სამსახურში ან ადგილობრივი თვითმმართველობის ორგანოებში დაინიშნებით თანამდებობის დასაბრუნებელი უფლება ჩამოართვეს.

საქმე ეხება დეპუტატ ვალერი გელაშვილის ცემას, რომელიც 2005 წელს მოხდა.

შეგახსენებთ, რომ საქართველოს პარლამენტის წევრ ვალერი გელაშვილზე 2005 წელს მომხდარი შეიარაღებული თავდასხმის და მისი ცემის საქმეზე, საქართველოს ყოფილ პრეზიდენტს მიხეილ სააკაშვილს, ძალადობით სამსახურებრივი უფლებამოსილების გადამტეხვა და ჯანმრთელობის განზრახ მიმე დაზიანების ორგანიზება ედება ბრალად. მასთან ერთად ამავსე საქმეზე პასუხისმგებელი შინაგან საქმეთა ყოფილი მინისტრი ივანე მერაბიშვილი, სპეციალური ოპერატიული დეპარტამენტის ყოფილი უფროსი ერეკლე კოდუა და ამავსე დეპარტამენტის სამმართველოს ყოფილი უფროსი გია სირაძე მიეცნენ. აღნიშნულ საქმეზე მერაბიშვილის, კოდუასა და სირაძის მიმართ გამამტყუნებელი განაჩენებია დამდგარი. კერძოდ, ივანე მერაბიშვილს საქალაქო სასამართლომ 6 წლითა და 9 თვით, ერეკლე კოდუასა და გია სირაძეს კი 9 წლით თავისუფლების აღკვეთა აქვთ შეფარდებული.

გაერთიანებული სამინისტროების სახელები უკვე განისაზღვრა

მთავრობამ გაერთიანებული სამინისტროების სახელები განსაზღვრა, საიდანაც ცნობილი ხდება, რომ სიტყვები „სასჯელსრულება“, „მეცნიერება“ და „მეცხლე დაცვა“ საერთოდ აღარ იქნება გამოყენებული.

ამის შესახებ უფროსი მთავრობის საპარლამენტო მდივანმა ნათია მიქელაძემ განუცხადა. მისი თქმით, საქართველოს პარლამენტს მთავრობის სტრუქტურული ცვლილებების შესახებ საკანონმდებლო პაკეტი დღესვე წარედგინება, რომელიც საკმარის მოცულობითა და მასში 150-მდე კანონი არის გაერთიანებული.

ნათია მიქელაძის განმარტებით, „დამატებით ცვლილებებს, გარდა იმისა, რაც იქნა გაცხადებული, არ უნდა ველოდეთ“. მან ასევე ისაუბრა გაერთიანებული სამინისტროების სახელწოდებებზე.

„სასჯელსრულების სამინისტრო გაერთიანდება იუსტიციის სამინისტროსთან და სახელწოდება იუსტიციის სამინისტრო დარჩება უცვლელი. დევნილთა სამინისტრო ერთიანდება შრომის, ჯანმრთელობის დაცვისა და სოციალურ საკითხთა სამინისტროში და სახელწოდება იქნება – ოკუპირებულ ტერიტორიებიდან იძულებით გადაადგილებულ პირთა, შრომის, ჯანმრთელობის და სოციალური დაცვის სამინისტრო, განათლების სამინისტროს უერთდება სპორტისა და კულტურის სამინისტრო და შესაბამისად, სახელწოდება იქნება – განათლების, სპორტისა და კულტურის სამინისტრო.“

სახელწოდებებთან დაკავშირებით განხილვები იქნება პარლამენტში და არ არის გამორიცხული, ახალი სახელწოდება ჩამოყალიბდეს, – განაცხადა ნათია მიქელაძემ. მისი თქმით, ცვლილებების თვითმიზანს არ წარმოადგენს თანამშრომელთა გაათავისუფლება და ყველა პროფესიონალი შეინარჩუნებს სამსახურს. რაც შეეხება ხარჯების დაზოგვას, ნათია მიქელაძის თქმით, ყველა დონეზე იეგეგმება ადმინისტრაციული ხარჯის ოპტიმიზაცია. საკანონმდებლო პაკეტი პარლამენტში გუშინ დარეგისტრირდება და ორშაბათიდან დაიწყება მასზე მუშაობა.



ვინა ხარ, მანიაკო? ინგას „მურტალოზ“ პერ აუინებდა...

შურნალისტი ინგა გრიგოლია აცხადებს, რომ მამაკაცმა, რომელიც მასზე ფსიქოლოგიურ ზეწოლას ახორციელებდა და დაკავებულ იქნა, კიდევ დაურეკა. გრიგოლია ინფორმაციას ამის შესახებ „ფეისბუქით“ ავრცელებს.

„მოგიყვებ, როგორ მიცავს ჩემი სახელმწიფო? მას მერე, რაც ამდენი ტანჯვა გავიარე, რომ მოძალადე მანიაკი დავკავებინათ, რომელიც სახლის კარის შემომტყვევით შემუქრებოდა. დღეს ამ კაცმა ღია ნომრიდან ისევ დამირეკა!!! აი, ამ ნომრიდან დამირეკა, რომელიც დევს სტატუსის ქვეშ, ფსიქიატრიულ ვილაც თანამშრომლის ნომრიდან. როდესაც ადვოკატმა დარეკა პროკურატურაში ამ ამბის გასაპროტესტებლად, პროკურატურამ უთხრა, რომ თურმე ამდენი ხანი არ გადაუგზავნიან დადგენილ-

ბა თუ მოთხოვნა, რომ მოძალადეს ზარების უფლება ჰქონოდა შეზღუდული. დავიჯერო, დაავინყვდა პროკურატურას ამ ზარების უფლების ოფიციალურად შეზღუდვა??? არ მჯერა. უნდოდათ და არ გადაგზავნეს, უნდოდათ ჩემზე ზემოქმედებისთვის და არ შეუზღუდეს მოძალადეს მსხვერპლთან ზარების უფლება. აი, ასე მიცავს სახელმწიფო. არც ერთი წამით აღარ მჯერა, რომ ეს კაცი შემთხვევით გადაამეკიდა. გუშინ მქონდა ძალიან მძიმე გადაცემა სორავას ქუჩის მკვლელობაზე პროკურატურის მძაფრი კრიტიკით და დღეს უცებ დაარეკინეს ფსიქიატრიულიდან ამ მანიაკს და დღეს პროკურატურა ამბობს, რომ თურმე აქამდე ზარების შეზღუდვა არ აუკრძალავთ მანიაკისთვის“...



პროკურატურის განმარტება

საპარტიველოს მთავარი პროკურატურა უფროსი მთავარი ინგა გრიგოლიას საქმესთან დაკავშირებით განცხადებას ავრცელებს, სადაც ნათქვამია, რომ გრიგოლიას მიმართ განხორციელებულ მუქარის ფაქტზე დაკავებული პირის მიმართ სისხლის სამართლებრივი დევნა შეწყდა და ის აღარ იმყოფება პენიტენციურ დაწესებულებაში. მიზეზად პროკურატურა რ.ნ.ს ფსიქიკურ მდგომარეობას ასახელებს:

მოცემულ სისხლის სამართლის საქმეზე ინგა გრიგოლია ცნობილი იქნა დაზარალებულად და მისი, როგორც დანაშაულის მსხვერპლის ფსიქიკური და მორალური ზიანის დადგენის მიზნით გამოძიების მწარმოებელი ორგანოს – საქართველოს შინაგან საქმეთა სამინისტროს მიერ დაინიშნა და ჩატარდა ფსიქოლოგიური ექსპერტიზა შესაბამისი საექსპერტო დაწესებულებაში.

2018 წლის 12 ივნისის სტაციონარული სასამართლო-ფსიქიატრიული ექსპერტიზის დასკვნის თანახმად დადგინდა, რომ რ.ნ. დაავადებულია ქრონიკული ფსიქიკური ავადმყოფობით და მას არ შეეძლო, გაეცნობიერებინა თავისი ქმედების ფაქტობრივი ხასიათი და მართლწინააღმდეგობა და ეხელმძღვანელა მისთვის.

ინგა გრიგოლიას ადვოკატის მიერ სატელევიზიო ეთერით გაკეთებული განცხადება იმის თაობაზე, რომ ბრალდების მხარის მიერ ჩადენილია გულგრილობა, ვინაიდან მათ მიერ არ მოხდა რ.ნ.სთვის ფსიქიატრიულ-სამკურნალო დაწესებულებაში სატელეფონო კომუნიკაციით სარგებლობის უფლების შეზღუდვა, წარმოადგენს არაპროპაგანდისტურ ბრალდებას კანონის არცოდნისა.

ბიზნესთან კომუნიკაცია აუცილებელია!

დედაძალაძის მერიის ორგანიზებით, სასტუმრო „რედისონ ბლუ ივერიაში“ ბიზნესექსპერტის წარმომადგენლებთან შეხვედრა გაიმართა. ქართველ და უცხოელ ინვესტორებს შესვენდრებზე საინვესტიციო პროექტებთან დაკავშირებით დეტალური ინფორმაცია მიანდეს.



თბილისის საინვესტიციო პორტფელის შესახებ პრეზენტაცია ვიცე-მერმა ირაკლი ხმალაძემ და მერიის ეკონომიკური განვითარების საქალაქო სამსახურის უფროსმა ანდრია ბასილიამ გამართეს. დამსწრე საზოგადოებას სიტყვით დედაქალაქის მერმა კახა კალაძემ მიმართა.

„ქვეყნისა და ქალაქის განვითარებაში ბიზნესის მონაწილეობა ძალიან მნიშვნელოვანია. რა თქმა უნდა, ეს პასუხისმგებლობა, რომელიც ჩვენ, მერიის თითოეულ თანამშრომელს აქვს აღებული, კარგად გვაქვს გაცნობიერებული და ჩვენს გასაკეთებელს აუცილებლად გვაკეთებთ. ვფიქრობ, რომ ბიზნესის ჩართულობით, უფრო მეტის გაკეთება შეგვიძლია, რადგან თქვენ ხართ ადამიანები, რომლებსაც ძალიან დიდი წვლილი შეაქვთ ქვეყნისა და ქალაქის ეკონომიკურ განვითარებაში და უამრავი ადამიანი გყავთ დასაქმებული. ვფიქრობ, პროექტები, რომლებსაც წარმოგიდგენთ, თქვენთვისაც იქნება საინტერესო“, – განაცხადა კახა კალაძემ.

დედაქალაქის მერმა იმედი გამოთქვა, რომ საინვესტიციო პროექტების განხორციელებაში ბიზნესის წარმომადგენლების თანადგომა მომავალშიც გაგრძელდება და მათ მერიის მხრიდან მაქსიმალური თანადგომა ექნებათ.

„ბიზნესთან კომუნიკაცია ძალიან მნიშვნელოვანია, რადგანაც გვინდა, რომ ქალაქის განვითარების ტემპი უფრო სწრაფი იყოს. გვინდა, რომ ქალაქში არსებული მდგომარეობა მნიშვნელოვნად შეეცვალოს და ვფიქრობ, რომ ზუსტად ბიზნესის ჩართულობით, ერთობლივად შევძლებთ, ვუპასუხოთ იმ გამოწვევებს, რომელიც დღეს აქტუალურია“, – აღნიშნა თბილისის მერმა.

ირაკლი კობახიძე სენატორ რონ ჯონსონს შეხვდა

სამართლებლო პარლამენტის თავმჯდომარე ირაკლი კობახიძე, უკრაინელ, მოლდოველ, ლიეტუველ და პოლონელ კოლეგებთან ერთად, ამერიკის შეერთებული შტატების სენატის საგარეო ურთიერთობათა კომიტეტის ვერონის და რეგიონული უსაფრთხოების სფეროში თანამშრომლობის ქვეკომიტეტის თავმჯდომარეს, სენატორ რონ ჯონსონს შეხვდა.

საუბარი ქვეყნებს შორის სტრატეგიულ პარტნიორობასა და სამომავლო თანამშრომლობის პერსპექტივებს შეეხო. ყურადღება გამახვილდა ინტენსიური და კოორდინირებული თანამშრომლობის მნიშვნელობაზე როგორც ორმხრივ, ასევე მრავალმხრივ ფორმატებში. ირაკლი კობახიძემ რონ ჯონსონს ქვეყანაში განხორციელებული და მიმდინარე დე-

მოკრატიული რეფორმები, ასევე, საქართველოს პარლამენტის დღის წესრიგი გააცნო. მხარეებმა საზღვარსაღარა მნიშვნელოვანი საპარლამენტო ასამბლეის მნიშვნელობა, სენატორმა სუთი ქვეყნის პარლამენტის თავმჯდომარეს მტკიცე მხარდაჭერა და თანამშრომლობისთვის მზადყოფნა დაუდასტურეს.

აშშ ასრულებს მნიშვნელოვან როლს ჩვენი სუვერენიტეტის დაცვის საქმეში

„ამერიკის შეერთებული შტატები ასრულებს მნიშვნელოვან როლს ჩვენი სუვერენიტეტისა და ტერიტორიული მთლიანობის დაცვის საქმეში“, – ამის შესახებ საქართველოს პარლამენტის თავმჯდომარე ირაკლი კობახიძემ ვაშინგტონში, სუთი ქვეყნის პარლამენტის თავმჯდომარის ერთობლივ პრესკონფერენციაზე განაცხადა.



ვლოს და უკრაინის საერთო მიზანი ნატოსა და ევროკავშირში ინტეგრაციაა, მოლდოვასთან გვერდთან ევროინტეგრაციის მიზანი.

ჩვენს ქვეყნებს ბევრი აქვს საერთო, რაც ერთად დგომას მოითხოვს. ერთად უნდა ვიდგეთ. ასევე, გვაკავშირებს საერთო ისტორია. რაც მთავარია, გვერდთან იანებს ღირებულებები და ჩვენი ნება ერთად დგომისა, თანამშრომლობისა, სწორედ ამ მყარ ღირებულებებს ეფუძნება. ჩვენ ხელს ვუწყობთ დასავლური ღირებულებების დანერგვას აღმოსავლეთში და ესაა ყველაზე მნიშვნელოვანი საერთო რამ, რაც მგობარ ქვეყნებთან გვაკავშირებს. ამერიკის შეერთებული შტატები ასრულებს მნიშვნელოვან როლს ჩვენი სუვერენიტეტისა და ტერიტორიული მთლიანობის დაცვის საქმეში. ჩვენ მადლიერები ვართ ამერიკის შეერთებული შტატების, აშშ-ის კონგრესის. იმედი გვაქვს, რომ მხარდაჭერა გაგრძელდება მომავალშიც, – განაცხადა საქართველოს პარლამენტის თავმჯდომარემ.

ირაკლი კობახიძემ უკრაინელ, მოლდოველ, ლიეტუველ და პოლონელ კოლეგებთან ერთად ქვეყნების წინაშე არსებული საერთო გამოწვევებისა და მიზნების, ასევე ამერიკის შეერთებული შტატების მხარდაჭერის მნიშვნელობაზე ისაუბრა. „ჩვენ გვაკავშირებს ძალიან ძლიერი თანამშრომლობა უკრაინასთან, მოლდოვასთან, ლიეტუვასთან და პოლონეთთან. ჩვენს ქვეყნებს ბევრი საერთო აქვს. სამწუხაროდ, უკრაინასა და მოლდოვასთან ერთად, ვიზარებთ საერთო გამოწვევებს, რაც ჩვენი ქვეყნების ტერიტორიულ მთლიანობას უკავშირდება. გვაქვს ასევე, ძალიან მნიშვნელოვანი საერთო მიზნები. საქართველოს და უკრაინის საერთო მიზანი ნატოსა და ევროკავშირში ინტეგრაციაა, მოლდოვასთან გვერდთან ევროინტეგრაციის მიზანი.“

არასამთავრობოების ანგარიში ტენდენსიურია!

იუსტიციის უმაღლესი საბჭოს მდივანი გიორგი მიქაუტაძე არასამთავრობო ორგანიზაციების წარმოდგენილ ანგარიშს, რომელიც საბჭოს 2017 საქმიანობას ეხება, ცალმხრივს და ტენდენციურს უწოდებს. გიორგი მიქაუტაძე ამბობს, რომ დღეს საბჭო მაქსიმალურად გამჭვირვალეა. „წარმოდგენილ ანგარიშში საკითხები შეფასებულია ცალმხრივად და ტენდენციურად. არის მოყვანილი ერთი-ორი საგამონაკლისი შემთხვევები და არის ამ შემთხვევების განზოგადება, გაკეთებული იმდაგვარად, რომ წარმოჩინდეს, ეს ასე არის საბჭოს ყოველდღიურ საქმიანობაში, რაც ვფიქრობ, არასწორია. თუმცა ჩვენთვის ძალიან საყურადღებოა ყოველი ასეთი ანგარიში. რა თქმა უნდა, ყურადღებით გავცანით, წარმოვადგინეთ ჩვენი პო-

ზიციები და არის რიგი საკითხები, რასაც აუცილებლად გავიზიარებთ და შევეცდებით, ამ მიმართულებით გაუმჯობესდეს საბჭოს საქმიანობა“, – განაცხადა მიქაუტაძემ. „საქართველოს ახლგაზრდა იურისტთა ასოციაციამ“ და „საერთაშორისო გამჭვირვალობა – საქართველომ“ იუსტიციის უმაღლესი საბჭოს მონიტორინგის მექანიზმს, 2017 წლის საქმიანობის ანგარიში წარადგინეს, სადაც შეფასებულია საბჭოს საქმიანობის მარეგულირებელი კანონმდებლობა და საბჭოს საქმიანობა მოსამართლეთა შერჩევა/დანიშნვის, საბჭოს საქმიანობის გამჭვირვალობის, სასამართლოს თავმჯდომარის დანიშნვის წესისა და პრაქტიკის, მოსამართლეთა დისციპლინური პასუხისმგებლობის და სხვა მიმართულებებით.

საქართველოსა და ჰონგ კონგს შორის თავისუფალი ვაჭრობის შესახებ შეთანხმება გაფორმდა

28 ივნისს საქართველოსა და ჩინეთის სახალხო რესპუბლიკის სპეციალურ ადმინისტრაციულ რეგიონს ჰონგ კონგს შორის თავისუფალი ვაჭრობის შესახებ შეთანხმება გაფორმდა. შეთანხმებას საქართველოს მთავრობის სახელით საქართველოს ეკონომიკისა და მდგრადი განვითარების მინისტრის მოადგილემ გენადი არველაძემ, ხოლო ჰონგ კონგის სახელით, კომერციისა და ეკონომიკური განვითარების მდივანმა ედვარდ იუა თან-ვამ (Edward YAU TANG-WAH) მოაწერეს ხელი. შეთანხმებას ხელი მოეწერა Belt and Road-ის სამიტის გახსნით ცერემონიაზე, სადაც ხაზი გაესვა იმ ფაქტს, რომ აღნიშნული შეთანხმება პირველია რეგიონში, რომელიც ჰონგ კონგმა გააფორმა. სამიტს მსოფლიოს სხვადასხვა ქვეყნიდან 3 000-ზე მეტი სტუმარი ესწრება, მათ შორის სამთავრობო და ბიზნეს სექტორის წარმომადგენლები. საზღვასაშორისო, რომ ეს ხელმოწერა იყო სამიტის ერთ-ერთი მნიშვნელოვანი გზავნილი და შედეგი, რომელიც რეგიონთაშორისი ვაჭრობის გააქტიურებას მნიშვნელოვნად შეუწყობს ხელს. შეთანხმების გაფორმებას საფუძვლად დაედო საქართველოსა და ჩინეთის სახალხო რესპუბლიკას შორის თავისუფალი ვაჭრობის შესახებ შეთანხმება, რომ-



ლის მოლაპარაკებების პროცესშიც ჰონგ კონგი დამკვირვებლის სტატუსით მონაწილეობდა. „მნიშვნელოვანია ის ფაქტი, რომ ჰონგ კონგი ატა-


რებს ღია ეკონომიკურ პოლიტიკას და წარმოადგენს ერთ-ერთ უმსხვილეს საკვანძო სატრანზიტო საფინანსო საერთაშორისო ცენტრს. მისი ყოველწლიური სატრანზიტო ტვირთგამტარიანობა 500 მილიარდ აშშ დოლარს შეადგენს, ხოლო თავად 60 მილიარდამდე იმპორტს მოიხმარს. ჰონგ კონგი არის საქართველოსთვის როგორც არსებული, ასევე პოტენციური საექსპორტო პროდუქციის ისეთი მნიშვნელოვანი იმპორტიორი და ტრანზიტული ქვეყანა, როგორცაა ყველი, უალკოჰოლო სასმელები, სპირტიანი სასმელები, ღვინო, ხილ-ბოსტნეულის კონსერვები, თხილი, ხილი, თაფლი, ტექსტილის მზა ნაწარმი, ტყავის სამგზავრო ჩანთები, მეტალის ნაწარმი და სხვა“, – განაცხადა ეკონომიკისა და მდგრადი განვითარების მინისტრის მოადგილე გენადი არველაძემ. წარმოდგენილი შეთანხმების ძალაში შესვლა მიმდინარე წლის ბოლომდე იგეგმება. შესაბამისად მისი ამოქმედება ხელს შეუწყობს სავაჭრო ბრუნვის ზრდას მხარეებს შორის და ქართველ მწარმოებლებს მისცემს შესაძლებლობას, დამატებითი ბიზნესპოტენციური ბარიერების გარეშე მიწოდონ საკუთარი პროდუქტი და მომსახურება 7-მილიონიან მაღალ მსყიდველობითუნარიან სამომხმარებლო ბაზარს.



თქვენ ვისგან იღებთ მარტივად?..

ღანარჩენზე მერე ვისაუბროთ!

„თუ კულტურა არ გვექნება, მაშ რისთვის ვომობთ?“
უინსტონ ჩერჩილი



ბიუროკრატიაზე დაზოგილი სახსრები დაზოგილი სხსრები ჩვენს საზოგადოებას მოხმარდება

„ბიუროკრატიაზე დაზოგილი სახსრები დაზოგილი სხსრები ჩვენს საზოგადოებას მოხმარდება“, — ასეთია მამუკა ბახტაძის ხედვა.

პრემიერის აზრით, სტრუქტურული ოპტიმიზაციის შედეგად შემცირებული სამთავრობო ხარჯები მთლიან შიდა პროდუქტთან მიმართებით ეტაპობრივად 3,9%-ზე ჩამოვა. სწორედ ეს ნიშნული იქნება მაქსიმალური ზედა ზღვარი, რითაც უნდა ვიხელმძღვანელოთ, რადგან ჩვენ არ გვაქვს იმის ფუნქცია, იმაზე მეტი ვხარჯოთ მართვაზე, ვიდრე დღეს ეს ჩვენს ქვეყანას ესაჭიროება.

რას ნიშნავს პრემიერის ხედვა, რომ ბიუროკრატიაზე დაზოგილი სახსრები დაზოგილი სხსრები ჩვენს საზოგადოებას მოხმარდება? ღარიბი ოჯახების ბავშვების დაფინანსების გარდა, ეს სომ არ შეეხება პენსიონარებს, განათლებას და სხვა სფეროს მუშაკებს, რომელთა ანაზღაურებაც დაბალია?

თსუ-ის ბიზნესისა და ეკონომიკის ფაკულტეტის დეკანი, პროფესორი ბიორტი ლალონიძე ამბობს, რომ, რაც მეტი ბიუროკრატია იქნება, ხარჯი დაიზოგება, მით უკეთესი, რადგან ეს ფული წავა ეკონომიკის რეალურ სექტორში. მართალია, ისე არ მოხდება, რომ საერთოდ გააუქმონ ყველა სამინისტრო, მაგრამ მცირე მთავრობის კონცეფციის ფარგლებში, შესაძლოა, სხელმწიფო ხარჯი მართლაც შემცირდეს.

„იდეა კარგია, მაგრამ აქ მთავარია, თუ როგორ განხორციელდება ეს ჩანაფიქრი. 3,9%-ს ნუ ვხეშვით, ეს კარგი მაჩვენებელია. როდესაც უკვე რაოდენობრივი კრიტერიუმები დადო ადამიანმა, ეს ნიშნავს, რომ მას კარგად აქვს ამაზე ნაფიქრი. თუმცა ამ ეტაპზე ვერაფერი იტყვის, თუ რამდენად შესრულდება ეს პროგრამა, როგორ მოხმარდება დაზოგილი თანხები ჩვენს საზოგადოებას. ესეც, ალბათ, მთავრობის ხედვა იქნება. პირადად მე, გამომდინარე ჩემი პოზიციიდან, რომ გასლავართ თსუ-ის ერთ-ერთი ფაკულტეტის დეკანი, ვფიქრობ, ყველაზე სწორი იქნება, გამოთავისუფლებული თანხები მიიმართოს განათლების სისტემაში. სწორედ ამ სფეროში უნდა განხორციელდეს პროორიტეტული დაფინანსება. ეს არ ნიშნავს, პროფესორ-მასწავლებელთა შრომის ანაზღაურების ზრდას. ცხადია, ეს ცუდი არ იქნებოდა, მაგრამ ამ ეტაპზე ამას არ ვგულისხმობ. ასლა საუბარია იმაზე, რომ სასწრაფოდ ძალიან მნიშვნელოვანი ნაბიჯები გადაიდგას, რათა სასკოლო განათლება გამოსწორდეს, შემდეგ პროფესიულ განათლებას მივხედოს და უმაღლესი განათლების სისტემაში რა მტკივნეული პრობლემებიცაა დაგროვილი, მალე გადაწყდეს“, — აცხადებს გიორგი ლალონიძე.

მისი თქმით, შესაძლებელია, სხვამ სხვანაირად იფიქროს და თქვას, მოდით, თავი დავანებოთ განათლებას და სპორტში ჩავდეთ ეს ფული. ამასაც თავისი ლოგიკა ექნება. თუმცა ქვეყნის განვითარების ხანგრძლივადიანი პერსპექტივიდან გამომდინარე, ყველაზე სწორი იქნება, რომ მაქსიმალური თანხები ჩაიდოს განათლების სისტემაში.

ბანანა ნოზაძე

„ფინისშემა“ ამომიგდო სამი წლის წინანდელი პუბლიკაცია. საოცარია, ისე „დროულად“(!) და „გამიზნულად“(!) იცის მარკმა „დახმარება“, მოდი და ნუ იქვიანებ, რომ... „გისმენენ და თვალს გადაევენებენ“ იქ, ოკეანის გაღმებიდან.

მაგრამ, დავიჯერო, მართო მე „მისმენს“ მარკი? ჩვენს პრეზიდენტს? ან ძველს არ „უსმენდა“, ან ახალ პრემიერს? პარლამენტის თავკაცს? „მორჩილ“ უმრავლესობაზე რომ არაფერი ვთქვათ...

ალბათ აქვთ სათანადო არგუმენტები... „რალაცები“ თითქოს ახსნეს... და ყველაფერი დადის მართვის და ხარჯების ოპტიმიზაციამდე...

მაგრამ არის თემები, არის პრობლემები, რომელიც ამ პრაგმატიზმის ჩარჩოებს ცდება. და ამ პრობლემების გადაწყვეტისას, უპირატესად საზოგადოებასთან მოთათბირება, მისი აზრის მოსმენა მაინც, რამეთუ, დალოცვილებო, საზოგადოებისთვის, ხალხისთვის არ „აკეთებთ“ ამ რეფორმებს?

რავა ჯეჯელავასავით იქცევით თქვენც... ან შოთაძესავით... ან ნარმანასავით... ან ალავექისავით... მერე გამოხვალთ მორიგი „ალიარებით“, რომ შეცდით... ისევე... ჯერ ქება იცით უსაზღვრო და მერე...

ისე, საინტერესო კია, ასეთს რას განავლიან იქ, ე.წ. სემინარებსა თუ ტრენინგებზე, რომ ლილინებთ „მე ვარ და ჩე-

მი ნაბადი“ და „ცა ქუდად არ მიგაჩნით და დედამინა ქალამნად“?

როგორ გგონიათ, ინტერნეტზე წვდომა თქვენს გარდა სხვას არავის აქვს? უცხო ენას (ენებს) და კომპიუტერს თქვენს გარდა სხვა არავინ ფლობს? თუ ცხოვრებული ბესო ჟღენცის მოსწრებულად ნათქვამისა არ იყოს, წიგნები, რომლებსაც თქვენ (თუ) კითხულობთ, ერთ ცალად იბეჭდება და ისიც მხოლოდ თქვენთვის?

შეკითხვები უსასრულოდ შეიძლება გაგრძელდეს...

ჰოდა, ამასთან დაკავშირებით:

ჯერ ერთი, ძალიან, ძალიან, ძალიან მინდა, რომ ეს ვიდეო ნახონ და ყურადღებით მოისმინონ მათ, ვინც ასე ადვილად, მეტისმეტად წუთიერი პრაგმატიზმის სულისკვეთებით წყვეტს საკითხს განათლების, კულტურის, სპორტის, ძველების დაცვის პრობლემატიკის ერთ სამინისტროში გაერთიანების შესახებ.

და მეორე, შეგახსენოთ ქრესტომათიული მაგალითი ჩერჩილის ცხოვრებიდან (აბა, სტალინისას თქვენ როგორ გაგიბედავთ და გაკადრებთ):

ფაშიზმთან ომის წლებში, როცა მას — პრემიერს ქვეყნის ბიუჯეტის პროექტი შესათანხმებლად მიუტანეს, იქ ვერ აღმოაჩინა კულტურისთვის განკუთვნილი ხარჯები და იკითხა:

— კულტურა?
— რა დროს კულტურაა, სერ, ამ განიანია ომის დროს? — იყო პასუხი.

ჩერჩილი: თუ კულტურა არ გვექნება

<https://www.facebook.com/SovFedInfo/videos/960870200722875/UzpfSTMzNjA2NTA0MzIwMzZ5NzZlWSzo5NjA4NzAyMDA3MjI4NzU/>

ბა, მაშ რის გულისთვის ვომობთ?

და მესამე, ესეც ქრესტომათიიდან: რუხველტმა, ომის დამთავრებას რომ ვარაუდობდა(თუმც, ვერ მოესწრო), ომის შემდგომი პერიოდისთვის მთავრობას დაუსახა სამი სტრატეგიული მართულება: **თავდაცვა** (მუდმივი), **გზავი** (ადრინდელის გაგრძელება) და... **განათლება**!!!

გეყურებათ, ბატონებო? მაგრამ ის კი არ უთქვამს, ამ მხრივ ხარჯები შეამცირეთო... ის, რომ ზოგიერთ წამყვან ქვეყანაში კულტურის სამინისტრო არ არის, იმას კი არ ნიშნავს, რომ კულტურა არ აინტერესებთ. იქ სხვა სისტემაა და როცა ოდნავ მაინც მიუახლოვდებით მაგ სისტემებს, მაშინ... აი, საფრანგეთი კისეა შემფორთხული უცხოენოვანი კულტურის მოძალებით, რომ კი არ გააუქმა კულტურის სამინისტრო, დამატებითი რესურსები გამოუყო და საკანონმდებლო დონეზე გაამკაცრა ღონისძიებები, რათა წინ აღუდგეს ფრანგული კულტურის დაკნინების მცდელობას.

თქვენ ვისგან იღებთ მაგალითს?... დანარჩენზე მერე ვისაუბროთ!

მანამდე კი გავატი „საქართველოს რესპუბლიკის“ მკითხველთა ვებ-გვერდზე ვიდეოჩანაწერი და დარწმუნდნე, თუ რამდენ მნიშვნელოვანია ამ პატარა წერილში ნაშრომილი პრობლემა...



ნუზარ ფოფხაძე



ნახიჩევანთან სააჭარო-ეკონომიკური ურთიერთობები კიდევ უფრო გაღრმავდება

აჭარის მთავრობის თავმჯდომარე ზურაბ პატარაძე ქალაქ ბათუმის მერთან ლაშა კომანძისთან ერთად აზერბაიჯანში, ნახიჩევანის ავტონომიურ რესპუბლიკაში იმყოფება. ვიზიტის ფარგლებში შედგა შეხვედრები ნახიჩევანის უმაღლესი მეჯლისის თავმჯდომარე ვასილ თალიბოვთან და რეგიონის სხვა ხელმძღვანელ პირებთან. როგორც აჭარის მთავრობის თავმჯდომარემ აზერბაიჯანულ მედიასთან განაცხადა, ნახიჩევანის და აჭარის ავტონომიური რესპუბლიკები სტრატეგიული პარტნიორები და დამეგობრებული რეგიონებია, ვიზიტის მიზანი კი არსებული ურთიერთობების კიდევ უფრო გაღრმავება და რეგიონებს შორის სავაჭრო ბრუნვის გაზრდაა.

„ნახიჩევანში მულტიფუნქციური, მაღალი სტანდარტების მქონე საწარმოები დავათვალიერეთ, გავეცანით მათ პროდუქციას და გავიზიარეთ გამოცდილება. მისასალმებელია, რომ წარმოების და ინფრასტრუქტურის მიმართულებით ძალიან დიდი პროგრესი აქვს ნახიჩევანს. აზერბაიჯანის ბიზნესსექტორი მზად არის, ჩაერთოს აჭარაში მიმდინარე საინვესტიციო პროექტებში, მათ შორის ერთობლივი საწარმოების შექმნისა და ინფრასტრუქტურის მოწყო-

ბის კუთხით“ — აღნიშნა ზურაბ პატარაძემ. აჭარის მთავრობის თავმჯდომარემ და ქალაქ ბათუმის მერთა რამდენიმე საწარმო დაათვალიერეს, გაეცნენ ახალ ტექნოლოგიებს დეკორატიული ფილებისა და შენობების ფასადების მოპირკეთების მიმართულებით.

ზურაბ პატარაძის თქმით, ორ რეგიონს შორის მჭიდრო თანამშრომლობა გაგრძელდება, დაიგეგმა ნახიჩევანის ავტონომიური რესპუბლიკის ხელმძღვანელებთან პირებისა და ბიზნესსექტორის წარმომადგენლების ვიზიტი აჭარაში.

აპოსტოლი ბათუმს 40 ახალი აპტოპუსი დაემატება

ბათუმის საკრებულოს სხდომაზე წარდგენილი იყო პროექტი, რომელიც ქ. ბათუმის მუნიციპალიტეტის ადმინისტრაციულ საზღვრებში ადგილობრივი საქალაქო რეგულარული სამგზავრო გადაყვანის (№2 ავტოსატრანსპორტო საშუალებებით/მიკროავტობუსები) ნებართვის მაძიებელთა კონკურსის წესის დადგენას ითვალისწინებს. აღნიშნული პროექტის მიღების მიზანს №2 კატეგორიის ავტოსატრანსპორტო საშუალებების კონკურსის საფუძველზე ტექნიკურად გამართული მიკროავტობუსების შეჩვენა წარმოადგენს.

როგორც ბათუმის მერიაში განმარტავენ, კონკურსი იმ სამარშრუტო საზღვრებში გამოცხადდება, რომლებიც საკრებულომ 2018 წლის 29 მაისის №43 დადგენილებით დაამტკიცა.

ქალაქში დღეობდა მოძრავი 450-მდე მიკროავტობუსი ოპტიმიზაციის შედეგად 250-მდე შემცირდება, რის შემდეგაც მიკროავტობუსის ახალი რეგულაციების და ახალი სამარშრუტო საზღვრების მიხედვით იმორავებს.

კონკურსი განსაზღვრავს კრიტერიუმებს, თუ რა სტანდარტებს უნდა აკმაყოფილებდეს სამარშრუტო ტაქსი, ქალაქში მოძრავობის უფლება რომ მიეცეს. კონკურსის ძირითადი მოთხოვნებია მიკროავტობუსების ტექნიკური გამართულობა და უსაფრთხოების ნორმების დაცვა.

აღსანიშნავია, რომ ავგისტოში ქალაქს 40 ახალი ავტობუსი დაემატება. გამოცხადდება ვაკანსიები მძღოლის პოზიციაზე და მიკროავტობუსების მძღოლებს კონკურსში მონაწილეობის მიღების შესაძლებლობა ექნებათ. დღეისათვის ქალაქში მუნიციპალური ავტობუსები სრული დატვირთვით მუშაობს.



კახეთში ატმის ფასი 40 თეთრამდე უაბსურდო

კახეთში ატმის ფასმა დაიკლო. ერთი კილოგრამის ღირებულებამ ლარნახევრიდან 40 თეთრამდე დაიწია. არსებული ფასით და რეალიზაციის მასშტაბით უკმაყოფილონი არიან ფერმერები. ამ დრომდე არ გახსნილა ის საწარმო, რომელშიც ატამი და ვაშლატამა უნდა ჩაიბარონ. რატომ ხდება ისე, რომ ყოველ წელს გლეხი უხვ მოსავალს პრობლემების ფონზე ყიდის ან ვერ ყიდის და რა გამოსავალს ხედავენ დარგის სპეციალისტები?

გურჯაანში მცხოვრები ფერმერები, რომლებსაც ატამი გასაყიდად ქუჩაში აქვე გამოტანილი, ამბობენ, რომ რეალიზაცია 40 თეთრამდე კი გაძნელებულია. ადგილობრივები იმასაც ამბობენ, რომ გურჯაანში მცირე რაოდენობით ექსპორტიორები არიან ჩასული, თუმცა ისინი მხოლოდ უნაკლო ხილს იბარებენ. აღსანიშნავია, რომ ამ დრომდე არ გახსნილა სოფელ ჩუმლაყში მდებარე გადამამუშავებელი საწარმო, სადაც სხვა ხილთან ერთად ატამიც უნდა ჩაიბარონ.

წელს კახეთში 36 ათას ტონამდე ატამისა და ვაშლატამას მოსავალს ელოდებიან.

გურჯაანში სპეციალური შტაბი უნდა გაიხსნას, რომელმაც ატამისა და ვაშლატამას რეალიზაციის პრობლემა უნდა მოაგვაროს.

შტაბი სოფლის მეურნეობის

სამინისტროს კოორდინაციის ქვეშ იმუშავებს.

„მთელი დღე ქუჩაში ვარ და ერთ ყუთზე მეტი ვერ გაყვიდე. ფასი 40 თეთრი აქვს და მაინც არავის მიაქვს. არადა, მოყვანა უფრო ძვირი მიყვდება“.

„ვკრეფთ, მაგრამ გაყიდვა ძალიან გვიჭირს. საექსპორტოდ მაღალი გამავლობის მანქანებია შემოსული, თუმცა ატამს ერთი პატარა უმნიშვნელო წერტილიც რომ ჰქონდეს, არ მიაქვთ. დილას აქვთ ვიზიარ, ორი ყუთი მიდგას და ვერ გამიყიდია“.

„მყიდველები არიან, მაგრამ ფასი არ მოსწონთ, 30-40 კაპიციც კი უკვე ეძვირებათ“.

მართალია, ატმის ფასმა დაიკლო, მაგრამ გურჯაანის მერი არჩილ ხანდუგაძე უკმაყოფილო არ არის. მისი თქმით, გასულ წელს ფასი კიდევ უფრო დაბალი იყო. რაც შეეხება ხილის გადამამუშავებელ საწარმოს, მერის თქმით, დაწესებულებას ტექნიკური პრობლემები აქვს და მისთვის ჯერჯერობით ცნობილი არ არის, როდის დაიწყებს ის ხილის მიღებას.

გურჯაანის მუნიციპალიტეტის სოფელ ჩუმლაყში ხილის გადამამუშავებელი საწარმო 2014 წელს მაშინდელმა პრემიერ-მინისტრმა ირაკლი ლარიაშვილმა გახსნა.

საწარმო ორი ნაწილისგან შედგება. ერთში ხილის დამამუშავება, გასუფთავება და დაფასოება ხდება, ხოლო მეორე

400-ტონიანი სამაცივრე მეურნეობაა. რადგან მოსახლეობა დიდ იმედებს ამყარებს ხილის გადამამუშავებელი საწარმოს ამუშავებაზე, ჩვენ კომპანიის წარმომადგენელს ლევან ნოზაძეს დავუკავშირდით. ის ამბობს, საწარმოს გახსნისთვის სამზადისი მიმდინარეობს, თუმცა შეკითხვამ, როდის გაიხსნება საწარმო და როდის დაიწყებენ მოსახლეობისგან მოსავლის ჩაბარებას, ლევან ნოზაძის გალიზიანება გამოიწვია:

„სამზადისი მიდის, რომ საწარმო გაიხსნას. რადგან პროდუქტი მოინდა, ეს იმას არ ნიშნავს, რომ მისი გადამამუშავება უკვე შეიძლება. ხილს უნდა ჰქონდეს თავისი შაქრიანობა. თქვენ გსმენიათ იმის შესახებ, რომ ქარხანას ჰქონდეს წინასწარ განსაზღვრული დრო, რომელ დღეს და რომელ საათზე გაიხსნება? როდესაც გაიხსნება ქარხანა, დაინახავთ და მოსახლეობას ამის შესახებ ეცოდინება“.

წელს არ არის პირველი შემთხვევა, როდესაც ატმის რეალიზაცია და მისი დაბალი ფასი პრობლემას წარმოადგენს. უფრო მეტიც, ყოველთვის პრობლემურია იმ ხილისა და ბოსტნეულის რეალიზაცია, რომელიც უხვად მოდის – მაგალითად, საწაბორო, ნესვი, ბადრიჯანი, წინაკა, კიტრი, პომიდორი და ა.შ. ასოციაციამ „მომავლის ფერმერის“ თავმჯდომარე რუსუდან გიბაშვილი გვამბობს, რომ ასე იქნება ყოველთვის, თუკი არ განისაზღვრება, რაზეა მოთხოვნა ქვეყანაში და რომელი მიმართულებით უნდა განვითარდეს კონკრეტული დარგი.

„არ შეიძლება, სახელმწიფო ყველა კულტურას ჩამოეკიდოს და, საბოლოო ჯამში, ისე გამოვიდეს, რომ არაფერი არ გექნოს. ჯობია, წინასწარ გამოვეთო რამდენიმე ძირითადი ნაყოფი კულტურა და ეს კულტურები ამუშაო, რომელსაც სახელმწიფოსგან და დონორებისგან დახმარება ექნება. თანხები უნდა მიიმართოს იქით, სადაც გჭკრდება კონკრეტული დარგების განვითარება. ეს არის ის ძირითადი პრობლემა, რომელიც მუდამ ასე იქნება. შარშანაც და შარშანინაც ასე იყო ატმის შემთხვევაში. იგივე მდგომარეობაა მეკარტოფილეობაში“.

წელს კახეთში 36 ათას ტონამდე ატამისა და ვაშლატამას მოსავალს ელოდებიან. გურჯაანში სპეციალური შტაბი უნდა გაიხსნას, რომელმაც ატმისა და ვაშლატამას რეალიზაციის პრობლემა უნდა მოაგვაროს. შტაბი სოფლის მეურნეობის სამინისტროს კოორდინაციის ქვეშ იმუშავებს.

კალმასის ლიფსიტაში მდინარე ჩიხურას მიუბარეს...

ბარემოს დაცვისა და სოფლის მეურნეობის მინისტრმა ლევან დავითაშვილმა საჩხერის მუნიციპალიტეტში რძის პროდუქტების საოჯახო საწარმო, სურსათის ეროვნული სააგენტოს რეგიონული ოფისის მშენებარე ობიექტზე მიმდინარე და ნაკადულის კალმასის საშენ მეურნეობაში განხორციელებული ინფრასტრუქტურული სამუშაოები დაათვალიერა.

საჩხერის მუნიციპალიტეტის დაბაკვერეთში, საშენ მეურნეობაში წითელ წუსხაში შეტანილი ნაკადულის ქართული კალმასის სახეობის აღდგენა ხორციელდება. ლევან დავითაშვილმა, სოფელ სარეკის საჯარო სკოლის მოსწავლეებთან ერთად, საშენ მეურნეობაში ხელოვნურად გამრავლებული რამდენიმე ასეული ნაკადულის კალმასის ლიფსიტა ბუნებრივ გარემოში, მდინარე ჩიხურაში გაუშვა.

„გარემოს დაცვისა და სოფლის მეურნეობის სამინისტროს მიზნების მიხედვით, საქმედებელი ნაკადულის სფეროს განვითარებისთვის. მინდა, აღვნიშნო, რომ ამ პროექტის განხორციელება ბატონი გიგლა აგულაშვილის დროს დაიწყო. უმნიშვნელოვანესია გადაწყვეტილების პირას მყოფი, წითელწიწ კლბიანი ქართული კალმასის სახეობის ველურ ბუნებაში დაბრუნება-აღდგენა, სწორედ ამ მიმართულებით მუშაობს სამინისტრო. დღეს პირველად მოხდა ლიფსიტის ველურ ბუნებაში გაშვება, რასაც წინ მნიშვნელოვანი მოსამზადებელი სამუშაოები უძღოდა“, – განაცხადა ლევან დავითაშვილმა.

2016 წლიდან ეროვნულმა საშენმა მეურნეობამ ახალ პროექტზე, საქართველოს „წითელი წუსის“ სახეობის, ნაკადულის კალმასის გამრავლებაზე დაიწყო მუშაობა. ტერიტორიაზე განხორციელდა ინფრასტრუქტურული სამუშაოები, აშენდა ორი ტბორი და მ რკინაბეტონის სპეციალური აუზი. დღეისათვის ხელოვნურად გამოჩევილია 8000 ცალი ნაკადულის კალმასის ლიფსიტა. მეურნეობის გეგმა წელიწადში ნახევარი მილიონი ლიფსიტის წარმოება და მდინარეების გათევზიანებაა.

საქართველოში გზების ნაწილი ფასიანი გახდება

საქართველოში გზების ნაწილი ფასიანი გახდება. საკითხს საავტომობილო დეპარტამენტი უკვე განიხილავს. უწყების ინფორმაციით, კონკრეტულ ფასსა და თარიღზე საუბარი ამ ეტაპზე ნაადრევია, თუმცა ეს პროცესი ავტომობილის დასრულებას, შესაძლოა, არ დაელოდოს და ცალკეულ მონაკვეთებზე ეტაპობრივად დაწესდეს გადასახადი.

ვისთვის იქნება გზა ფასიანი, მხოლოდ ტრანზიტული სატვირთო ავტომობილებისთვის თუ ადგილობრივი ტრანსპორტისთვისაც, მსგავს დეტალებზე საავტომობილო გზების დეპარტამენტის ხელმძღვანელი არ საუბრობს. როგორც „ფორტუნასთან“ საუბარში ირაკლი ქარსელაძე ამბობს, ამ და მსგავსი ტიპის დეტალებზე ჯერ კონკრეტული გადაწყვეტილება მიღებული არ არის. მისივე თქმით, გზებზე გადასახადის დაწესებასთან დაკავშირებით, შიდაუნეებრივი სამუშაო შეხვედრა უკვე გაიმართა. დეპარტამენტში მსოფლიო ბანკის და ევროპის რეკონსტრუქციის ბანკის ორი კვლევა არსებობს, სადაც განსხვავებული მოსაზრებებია ჩამოყალიბებული, არაერთგვაროვანია ევროპის გამოცდილებაც ამ მიმართულებით, სამუშაო პროცესში დონორებთან და ეკონომიკის სამინისტროსთან ერთად, ყველა ამ დეტალის განხილვა მოხდება.

„გზების მოვლა-შენახვის გადასახადის პრაქტიკა მსოფლიოს ბევრ ქვეყანაშია, მაგრამ ევროპაშიც კი, გზების გაფასიანებასთან დაკავშირებით სხვადასხვაგვარი გამოცდილება არსებობს. გადაწყვეტილების მიღებამდე, ყველა დეტალის გათვალისწინება უნდა მოხდეს: თანმდევი ფაქტორების, საქართველოს რეალობის, უცხოური გამოცდილების, საინტერესო და გასათვალისწინებელია IBRD-ის კვლევაც, ისეთ დეტალებზე როგორცაა ფასი, რა ტიპის ავტომობილებზე დაწესდება გადასახადი და რომელი მონაკვეთები გახდება ფასიანი, გადაწყვეტილება მიღებული არ

როგორ ავტომობილებს შეეხება მოსაკრებელი?



არის,“ – განმარტავს ირაკლი ქარსელაძე.

გზებზე დაწესებული გადასახადი უკვე არსებული ავტომობილის მოვლა-შენახვას და ახალი საგზაო ინფრასტრუქტურის განვითარებას მოხმარდება.

ახალი ავტომობილის, ახალი პორტის მშენებლობის და მუდმივად მზარდი ტურისტული ნაკადის ფონზე, გზებზე მოსაკრებლის დაწესებას ეთანხმება „პარტნიორობა საგზაო უსაფრთხოებისთვის“. ორგანიზაციის ხელმძღვანელი და სატრანსპორტო სფეროს ექსპერტი გელა კვაშილავა ქვეყნის სატრანზიტო ჰაბად ქვეყნის შემთხვევაში, საგზაო გადასახადის აუცილებლობაზე საუბრობს.

„გზის გარკვეული მონაკვეთები, რომელსაც განსაკუთრებით ხშირად იყენებენ საერთაშორისო ტრანზიტული მანქანები და დიდი ზომის გადამზიდველი ტრანპორტი, იცვითება, ზიანდება და მის მოვლა-შეკეთებაში მილიონობით თანხა იხარჯება. გაფასიანების შემთხვევაში, მოსაკრებლიდან შემოსული თანხები საგზაო ფონდში აკუმულირდება, რომელიც შემდეგ ამ მიმართულებით დაიხარჯება, მოხმარდება გზების რეაბილიტაციას, უსაფრთხოებას, განვითარებას და ამაში სახელმწიფოს დამატებითი რესურსის დახარჯვა ან დონორებისგან სესხის მოზიდვა აღარ დასჭირდება,“ – ამბობს გელა კვაშილავა.

საერთაშორისო პრაქტიკა

გზებზე მოსაკრებლის დაწესება ევროპის ქვეყნებში მიღებული პრაქტიკაა, ქვეყნების ნაწილში, მაგ. იტალიაში ავტომობილზე გადასახადი არა მარტო სატვირთო, შიდა მსუბუქ ავტომობილებზეც არის დაწესებული.

ევროპის ქვეყნების პრაქტიკა სხვადასხვაგვარია, თუმცა მსგავსი მოსაკრებელი ძირითადად კომერციულ სატვირთო გადაზიდვებზე ან სამგზაო გადაზიდვებზე წესდება. არსებობს პრაქტიკა, როცა გზის გარკვეული მონაკვეთი, შესაბამისი მოთხოვნებით ოპერირებისთვის კერძო კომპანიასაც გადაეცემა.

რამდენად პოპულარული ნაბიჯი იქნება გზაზე მოსაკრებლის დაწესება – საგზაო სფეროს სპეციალისტს ამაზე ცალსახა პასუხი აქვს: „იმ შემთხვევაში თუ ამოღებული თანხა ისევე გზის მოვლას, უსაფრთხოებასა და განვითარებას მოხმარდება, გზა იქნება კომერციული, გადახდილი თანხა პროტესტს აღარ გამოიწვევს“.

ფასიანი გზების პარალელურად ქვეყანაში, ალტერნატიული უფასო გზებიც იქნება, მომხმარებელი კომფორტიდან და საკუთარი მოთხოვნიდან გამომდინარე გააკეთებს არჩევანს.

FORTUNA.GE

ციკლიდან „დროის იეროგლიფები“

სხვა ნატურათა შორის ეს ორიც მიტრი-ალეხს გულსა და გონებაში, წესითა და კანონით სანატრელი არც არაფერი რომ უნდა იყოს და კარგა ხნის წინათ უკვე მოგვარებული უნდა ყოფილიყო უჩემოდაც, მაგრამ ისეთ საზოგადოებრივ-კულტურულ რეალობაში გვინევს არსებობა (ცხოვრებას ვერ იტყვი), საოცნებოდ გამხდომია:

შექმნა ორი ყაიდისა და აღნაგობის თეატრისა – პოლიტიკურისა და პოეზიის.

ერთმანეთთან რა აკავშირებთ? სულიერი ძალები ნამდვილად მოიძებნება მათ შორის, მაგრამ ამას რა მნიშვნელობა აქვს. თუნდა არც არაფერი მოუპოვებოდეთ საერთო.

რა იქნებოდა, გვექონოდა პოლიტიკური თეატრი.

რა იქნებოდა, პოეზიის თეატრი გვექონოდა.

ის პირველი: სანდრო ახმეტელის მიერ ხელდებული.

ეს მეორე: ხელდებული გალაკტიონ ტაბიძისა.

ის პირველი: სცენაზეც ხორცშესხმული.

ეს მეორე: მარტოდენ ხილვებსა და ზმანებებში მოზორილავ.

თუმც ბოლოს და ბოლოს ხომ უნდა გამომხსნოდა ხილვებსა და ზმანებებს და ყოფით სინამდვილეშიც ეპოვა დასაყრდენი.

სამისო ნიშუშები, ერთისა და მეორისა, განაჩვენს თვალწინაც არა თამაშდება, მაგრამ ეს ყოველივე ცალკეულ დადგამათა რიგს განეკუთვნება, შემთხვევიდან შემთხვევამდე ხორცშესხმულს. არადა, უნდა არსებოდეს ის გარემო, სადაც ერთიც და მეორეც სრულ ასპარეზს პოვნის და მიზანდასახულადაც დაიძვრებიან თვალსაჩინო ნაკადებად.

აღარ ვიცი, რა ვიღონო. ჩემს სახლს ხომ არ ვაქცევ თეატრად და სუფილირობასაც ხომ არ დავინწყებ დიმიტრი ყიფიანივით.

მსახიობობას ხომ არ მივყოფ ხელს ალექსანდრე ყაზბეგივითა და შალვა დადიანივით.

რეჟისორობას ხომ არ ვითავებ აკაკი წერეთელივით.

ამაოდ კი ვანწყდები აქეთ-იქით და გამოსავალი ვერ მიპოვია ასერიგად მნიშვნელოვან ნამოწყებათათვის: როგორც ჩვენი კულტურის, ისე სახელმწიფოებ-

თეატრი თეატრში

რიობისათვის

არსში ეს ერთსა და იმავეს გულისხმობს, კაცმა რომ თქვას, ერთი მეორის განმსაზღვრელს, მაგრამ ნიუანსობრივად დაე მინც განვასხვავოთ.

პოლიტიკური თეატრის დაარსებას თითქოს რაღაც სასიკეთო დაეტყო და შესაძლოა, სოსო ნემსაძის წყალობით გორში – გიორგი ერისთავის სამკვიდროში – დაფუძნებულიყო, მაგრამ ისე მოხდებოდა, რომ გორის თეატრის მთავარი რეჟისორი რუსთავეის თეატრს ჩაუდგებოდა სათავეში, იქ კი სამისო პერსპექტივა როგორღაც გაფერმერთალებოდა, პირწმინდად თუ არ გაქრებოდა.

და აი სასიკეთო ნიშნები გამოიკვეთა პოეზიის თეატრის დასაარსებლად:

ეს უკვე თბილისის მოზარდ მაყურებელთა თეატრში და მისი სამხატვრო ხელმძღვანელის დიმიტრი ხვთისიაშვილის წყალობით:

დაიდგა ელგუჯა მარლიას რობაიების ქარგაზე შექმნილი სცენარი იოსებ ჭუმბურიძისა „ომარ ხაიამ, შეიწყალე ჩემი რობაი“, და დაიდგა ისე, პოეზიის თეატრს რომ შეშვენის და ეკადრება.

ოლონდ მთავარია:

ეს სპექტაკლი იყოს არა გამოწაკლი-სი, შემთხვევიდან შემთხვევამდეა შორის მოქცეული, არამედ გალაკტიონის თეატრალური ოცნების დასაწყისი.

არადა: პერსპექტივა საგულისხმოდ გადაშლილა ამ წარმატებული დადგმის გამოისობით, ასე თვალნათლივ რომ ადასტურებს იოსებ ჭუმბურიძის რეცენზია, უფრო კი ესეი: „ელგუჯა მარლიას დოქში ჩიტი ზის... რამე გაგვაკვირვოს?“ – გამოქვეყნებული ჩვენი კულტურისთვის ასერიგად თავგამოდებული გაზეთის – „საქართველოს რესპუბლიკა“ – ფურცლებზე (2018, 9 ივნისი).

ბარე ორი თეატრმცოდნე ვერ დაუდგება გვერდით იოსებ ჭუმბურიძეს: ვერც ერუდიციით და თეატრალური ყოფის ნიუანსების ცოდნით, ვერც მიუკერძო-



ებლობითა და ვერც გულშემატიკვრობით, აღარაფერს ვამბობ მის სტილურ არტისტიზმზე, ამასთან ლაკონიზმის იმ იშვიათ უნარზე, მცირე ფარგალში ბევრის თქმას რომ ასრწებს ხოლმე და ამჯერადაც პატარა სტატიაში არავის დატოვებდა გულნაკლულს შემოქმედებითი ჯგუფიდან, დიმიტრი ხვთისიაშვილის მიერ მარჯვედ შეკრული გუნდიდან.

სრულ შთაბეჭდილებას რომ შეუქმნიდა მკითხველს პრემიერის წარმატებაზე და ამ ყაიდის სპექტაკლების პერსპექტივაზე, ეს თავისთავად.

მისი შენიშვნებიც, უფრო კი სურვილები, უთუოდ გასაზიარებელია დადგმის სრულყოფილებისათვის.

ესთეტიკურადაც მომხიბლავია „ომარ ხაიამ, შეიწყალე ჩემი რობაი“.

და საგანმანათლებლო დანიშნულე-

ბაც უსათუოდ ექნება, მთავარია, ახალგაზრდებმა ნახონ, მსახიობებს კი თამაში არ მოზებრდებათ, ისე არიან მორგებული იმ სულიერ დოქს, რომელშიც ღვინო კი არ ასხია, ჩიტი ფრთხილავს და ჭიკჭიკებს.

და ასეთივე მომხიბლავი უნდა იყოს ესთეტიკურად და საგანმანათლებლო დანიშნულებისაც – და უეჭველად იქნება კიდევ – ის ახალი სპექტაკლი, ელგუჯა მარლიას რობაიების ჩინებულ სცენურ ხორცშესხმას რომ ამოუდგება გვერდით.

სხვაგვარად ანკი როგორ, თუკი პოეზიის თეატრის ჩანასახს ვხედავთ ამ დადგმაში.

სამისოდ კი რეჟისორს დიდი რამ ძებნა-ჩხრეკა არ დასჭირდება, რადგანაც არსებობს იოსებ ჭუმბურიძის „ცხადის ნაპირთან (ცხოვრება და სიკვდილი მეფე-პოეტისა)“, რომლის მთავარი გმირიც... გალაკტიონ ტაბიძეა.

ეს დრამატურგიული თხზულება კი არის არა ლიტერატურული მონტაჟი, არამედ – თუკი რაიმე გამეგება დრამატურგიისა – სრულფასოვანი და ჩინებული პიესა, რომელიც თავისუფლად შეიძლება დაიდგას – თუკი რეჟისორებს გონიერება ეყოფათ – რუსთაველისა და მარჯანიშვილის თეატრის სცენაზეც, და მოზარდ მაყურებელთა თეატრის დიდ სცენაზეც, მაგრამ სწორედაც აქ მირჩევნია, ამ მცირე სცენაზე, უკვე რომ გამოიკვეთება პოეზიის თეატრის კონტურები და ძალდაუტანებლად დაისაჭიროებს მესამე ნიშუსაც, მეოთხესაც, მესხუთესაც...

ჯერ იქნება როგორც: თეატრი თეატრში.

მერე უკვე დამოუკიდებელ სიცოცხლესაც რომ დაიწყებს, რადგანაც ლიტერატურული მონტაჟები თუ პიესები არ მოაკლდება პოეზიის თეატრს პოეზიის ქვეყანაში.

* * * ნუთუ ამდენად აღარ გვიყვარს და აღარ გვიღირს გალაკტიონი, ეს ოცნება არ ავუსხდითო?!

დაე მის სახელზე ესეც გვექნდეს: პოეზიის თეატრი. როსტომ ჩხეიძე



სამეცნიერო ფორუმი

კორნელი კეკელიძის სახელობის საქართველოს ხელნაწერთა ეროვნული ცენტრის წლეულს დაარსებიდან 60 წელი შეუსრულდა. ამ საიუბილეო თარიღთან დაკავშირებით საქართველოს პარლამენტის ეროვნული ბიბლიოთეკის საკონფერენციო დარბაზში 28 ივნისს საერთაშორისო სამეცნიერო კონფერენცია „ქართული ხელნაწერი მემკვიდრეობა“ გაიხსნა.

უძველეს ქართულ წერილობით წყაროთა შემსწავლელ სამაშულო მკვლევართა და უცხოელ ქართველოლოგთა წარმომადგენლობითი ფორუმი (ამ დღეებში ხელნაწერთა ცენტრი სტუმრებს ინგლისიდან, ავსტრიიდან, გერმანიიდან, რუსეთიდან, პოლონეთიდან, საბერძნეთიდან, იტალიიდან, იაპონიიდან, ირანიდან და სომხეთიდან მასპინძლობს) შესავალი სიტყვით გახსნა ცენტრის სამეცნიერო საბჭოს თავმჯდომარე მათა რაფაევამ.

საქართველოს ხელნაწერთა ეროვნული ცენტრში, ჩვენ, ქართველი მეცნიერები, საუკუნეთა სიღრმიდან მოღწეულ, წინაპართაგან ანდერძით „ჩვენთა მომავალთა ნათესავთათვის“ დატოვებულ უძველეს ძეგლებს შევისწავლით, რასაც უდიდესი მნიშვნელობა აქვს როგორც ერის ისტორიის გარკვევის, ასევე მისი კულტურული შემოქმედების შესწავლის მხრივ, – აღნიშნა ქალბატონმა მათა რაფაევამ.

უძველესი ქართული ხელნაწერები: „ჩვენთა მომავალთა ნათესავთათვის“ ...

– ამიტომ ჩვენი ვალია, თვალწინით მოვუფრთხილდეთ მათ, რუდუნებით ვიკვლით ისინი და ჩვენი სახელოვანი მეცნიერების – კორნელი კეკელიძის, ექვთიმე თაყაიშვილის, ილია აბულაძის და სხვათა დარად ვიღვანოთ მათ შესწავლა-გასააზრებლად ათწლეულების მანძილზე, თავდაპირველად საქართველოს ხელნაწერთა ინსტიტუტის, შემდგომ კი ცენტრის მეცნიერთანამშრომლებმა, უკიდევანო სიყვარულით – ისეთით, როგორც უძველეს ძეგლებს შეშვენით, პირნათლად შეასრულეს მათზე დაკისრებული დიდი ეროვნული მისია, რისი უამრავი მაგალითის მოყვანა შეიძლება. ეს, უწინარესად, საქართველოს სახის, მისი იდენტურობის წარმოჩენაა მსოფლიოს წინაშე.

საერთაშორისო კონფერენცია ქართული ხელნაწერი მემკვიდრეობა

INTERNATIONAL CONFERENCE THE GEORGIAN MANUSCRIPT HERITAGE

შესაფერისი შენობა არა აქვს, დამოუკიდებლობის მოპოვების დღიდან მოყოლებული კი საქართველოში არც ერთმა მთავრობამ სათანადოდ არ იზრუნა ამ უდიდესი ხარვეზის გამოსწორებაზე. არადა, ჩვენ რომ ამ მხრივ საგანძური გავაჩნია, ბევრი ერი ნამდვილად ვერ დაიტრახებებს, თუმცა კი, ამის მიუხედავად, დღესდღეობითაც ეროვნულ ბიბლიოთეკას ვართ შეხიზუნულები... უდიდესი მადლობა მინდა,

გადავუხადო ქართულ ხელნაწერთა შემდგენელთ, გადამწერთ და, საერთოდ, ყველას, ვისაც თუნდაც მისხალი ღვანლი აქვს მათ დღევანდლამდე ჩვენამდე მოტანაში.

სამეცნიერო ფორუმის მონაწილეების მიმართ მისასალმებელი სიტყვები წარმოთქვას მეუფე შიომ, რომელმაც საქართველოს კათოლიკოს-პატრიარქის, უწმინდესისა და უნეტარესის ილია II-ის მისალოცი გადასცა კონფერენციის ორგანიზატორებს, მეცნიერებსა და განათლების სამინისტროს წარმომადგენლებმა ნუგზარ ჩიტაიამ – მან დიდი იმედი გამოთქვა, რომ მომავალ იუბილეს ხელნაწერთა ცენტრი უკვე საკუთარ შენობაში შეხვდება. ფრანგმა ენათმეცნიერმა ბერნარ უტიემ ხელნაწერთა ცენტრთან თავისი თანამშრომლობის ისტორია გაიხსნა, ჩუბინაშვილის სახელობის ქართული ხელოვნების კვლევის ეროვნული ცენტრის წარმომადგენელმა მარიამ დიდებულებმა

ეროვნული საგანძურის კვლევის ამ ორი უმნიშვნელოვანესი კერის ურთიერთთანამშრომლობასა და საქმიანობის მნიშვნელობაზე ილაპარაკა, აკადემიკოსმა მანანა მელიქიშვილმა კი იმედი გამოთქვა, რომ ხელნაწერთა ეროვნული ცენტრი მომავალში ბინას მცხეთაში, სვეტიცხოვლის ტაძრის მიმდებარედ დაიდებს, რასაც უდიდესი მნიშვნელობა ექნება მათი პოპულარიზაციისთვის და ხელს შეუწყობს შემდგომ სამეცნიერო მოღვაწეობას. დამსწრე საზოგადოებას გულთბილი სიტყვებით მიმართეს ასევე ხელნაწერთა ცენტრის ერთ-ერთმა ღვანლმოსილმა მეცნიერმა მიხეილ ქანთარაძემ, მკვლევარმა ნელი მახარაძემ, იაპონელმა ქართველოლოგმა პირატოკე მადეამ.

შემდგომ საერთაშორისო კონფერენციის მონაწილენი დაანონსებული პროგრამით მუშაობას შეუდგნენ. ამასთან, აღსანიშნავია, რომ სამდღიანი სამეცნიერო ფორუმის მონაწილეთ, ასევე ყველა მსურველს, კონფერენციის დასრულების შემდგომ, 30 ივნისს, ალექსიძის ქუჩის №1/13-ში, ხელნაწერთა ეროვნული ცენტრის დაარსებიდან 60 წლისთავისადმი მიძღვნილი გამოფენის „ჩვენი მემკვიდრეობის“ დათვალიერება შეეძლება. ოთარ ტურაბაიძე



ცრუგვირავი, რომელიც დროდადრო ისტორიის მოსახვედრებთან თავს ცოფან და „ანტისაბჭოთა მიგრაციის“ იარაღს იხმობდა.

1. ავთენტურობა, როგორც დაპირება

პირველი ქართველი „ანტისაბჭოთა ელემენტი“, ვინც კომუნისტური რეჟიმი უკიდურესად შეაფხვოთა და დააშინა, ვალიკო (ვალერიან) ჟვანია იყო. მან თვითნაკეთი ბომბებით სამი აფეთქება მოაწყო – სოხუმში, ბათუმში და თბილისში. ბომბმა საქართველოს მთავრობის სასახლის გარე კიბესთან, ზედ საქართველოს უმაღლესი საბჭოს პრეზიდიუმისა და უმაღლესი საბჭოს თავმჯდომარის ადგილსამყოფელის ყურისძირში იგრილა. სამწუხაროდ, სოხუმში, სანაპიროზე, ნავის ურნაში ჩადებული ბომბის აფეთქებას მსხვერპლი მოჰყვა, რუსი დამსვენებელი ცოლ-ქმრის სახით – კაცი დაიღუპა, ქალი – დასახიჩრდა.

ეს აფეთქებები წინ უსწრებდა ვინმე სომეხი ნაციონალისტის მიერ მოსკოვის მეტროში განხორციელებულ ტერაქტს, რომელსაც რამდენიმე ათეული ადამიანის მსხვერპლი მოჰყვა.

საქართველოში მომხდარი აფეთქებები „უცხო ხელი“ იყო საკავშირო სუკისთვის, ამიტომ მას დიდი რეზონანსი ჰქონდა. მოსკოვიდან თბილისში, ძიებაში დასახმარებლად, მოავლენეს 50-მდე ოფიცერი, დამნაშავეს ეძებდნენ მთელი სსრკ-ის უშიშროების და შინაგან საქმეთა სამსახურის მუშაკები. შეიქმნა ოპერატიული შტაბი, სადაც გროვდებოდა მთელი მოპოვებული მასალა.

საქმე მხოლოდ სამი-ოთხი თვის შემდეგ გაიხსნა. აღმოჩნდა, რომ რესპუბლიკაში მცხოვრებ ზოგიერთ მდიდარ ადამიანს – „ცეხავის“ ტელეფონით დაურეკა „საქართველოს განმათავისუფლებელი კომიტეტის წარმომადგენელმა“ და შეატყობინა, რომ აფეთქებები ჩაიდინა ამ „განმათავისუფლებელმა კომიტეტმა“ და რომ მას სჭირდება დაფინანსება შემდგომი წარმატებული მუშაობისთვის (ზოგიერთ ადრესატს ანალოგიური შინაარსის წერილი გაეგზავნა). ერთ-ერთმა ბათუმელმა პიროვნებამ, რომელსაც დაურეკეს თანხის გადახდის თხოვნით, ამის შესახებ უშიშროებას აცნობა. ბათუმში უმაღ აფრინეს სუკის ოპერატიულ-ტექნიკური განყოფილება, საიდუმლო მოსმენის უახლესი ტექნიკით აღჭურვილი.

ასე აღმოაჩინეს „საქართველოს განმათავისუფლებელი კომიტეტის წარმომადგენელი“ ვალიკო (ვალერიან) ჟვანია. იგი 1975 წლის 15 მაისს დააკავეს ბათუმში.

ამ კაცს არავითარი სპეციალური ტექნიკური განათლება არ ჰქონდა, მაგრამ შესანიშნავად ამზადებდა თვითნაკეთ დისტანციური მოქმედების ასაფეთქებელ მოწყობილობებს (საქართველოს უშიშროების კომიტეტის თავმჯდომარის ა. ინაურის კაბინეტში ჩატარებული ოპერატიული ექსპერიმენტის დროს მან 34-35 წუთში დაამზადა ასაფეთქებლად გამზადებული ბომბი.

სასამართლოზე თავის დაძვრენა არ უცდია, პირიქით, ფაქტობრივად, თავის თავს თვითონ გამოუტანა განაჩენი, პირდაპირ განაცხადა: „მე ამოვწურე ჩემი რესურსები საბჭოთა ბოლშევიკური მთავრობის დამხობის საქმეში. მე მეზიზღება ეს დიქტატურა, ვერავითარ განსხვავებას ვერ ვხედავ ფაშიზმსა და კომუნისტურ იდეოლოგიას შორის. ორივე დამლუბველია კაცობრიობის განვითარებისათვის. ამიტომ არავითარი აზრი არა აქვს, რას მომიხჯით. ერთი მინდა, იცოდეთ, სანამ ცოცხალი ვარ,

რა ხანია, დაინგრა საბჭოთა კავშირი, საქართველო უკვე დამოუკიდებელი ქვეყანაა. რაც დრო გადის, სულ უფრო გუნდობანდება XX საუკუნის 50-იანი წლების მართლმართლად გმირთა ბრძოლის გმირი ფაქტი საბჭოთა რეჟიმის წინააღმდეგ, ფარგულგარეთადაა მათი სახეები.

ერი უნდა იცნოვდეს მათ, ეს საშუალება მჭადიდან ნახშირი გამოვარჩიოთ: არიან გმირები და არიან ვარაუდები, რომლებიც დროდადრო ისტორიის მოსახვედრებთან თავს ცოფან და „ანტისაბჭოთა მიგრაციის“ იარაღს იხმობდა.

ყოველთვის ვიბრძობ ამ რეჟიმის წინააღმდეგ, მისი დამხობისთვის. აზრი არა აქვს როდის გამოვადე ციხიდან, მე ჩემს აზრს არ შევიცვლი და უკანასკნელ წვეთამდე შევებრძობები ბოლშევიკურ დიქტატურას“.

ვალიკო ჟვანიას დახვედრა მიუსაჯეს, მაშინ ის 40 წლისაც არ იყო.

ვალიკო ჟვანია დაიბადა და გაიზარდა თბილისში, ორთაქალაში. იგი ტრაგიკული პიროვნება გახლდათ, მამა – ქართული დივიზიის პოლკის უფროსი, 1937 წელს დახვედრეს, როცა ვალიკო 2 წლისა იყო. შემდეგში მისთვის არავის ეცალა და აღზრდითაც არავინ დაინტერესებულა. და-

არ ჩანს. როდემდე უნდა გაგრძელდეს ასე?“ „სჯობს, უცხოელის მიენდო მტრობას და ენდობი ნიკიტას ნათქვამს, ებრძოლე სუფრულ პატრიოტობას თუკი სინდისი განუხვებს მართლა. შრომით განუწუნებ მრავალ ქრილობას, ლახვარი ჩაცვ შეგნულ პარტიას რადგანაც იმის დროზე მხოლოდ სიბოროტე და ტანჯვა ხატია“ და ა.შ.

გადის კიდევ ორი თვე, 1957 წლის აგვისტოს ბოლოს ქუთაისიდან საქართველოს მწერალთა კავშირის მისამართით ორი ცისფერი კონვერტი მოდის. ადრესატები არიან პოეტები გალაკტიონ ტაბიძე და გოგლა ლეონიძე, მაგრამ წერილები პოეტებამდე ვერ აღწევს – სხვები ხსნიან, მათში თითო „სალალობელია“...

სუკში კვლავ იმართება ოპერატიული თათბირი. უკვე არის რაღაც ძაფი – კონვერტებზე მისამართი ხელით წერია... დიახ, ეს მართლაც სახედისწერო შეცდომა აღმოჩნდა.

და მთელი ძალით ამოქმედდა სუკის უზარმაზარი მძლავრი მექანიზმი...
სამედი №4642

სამი სქელი ტომი გრიფით „შეინახოს მუდმივად“. 724 ფურცელი, დაწყებულია 1958 წლის 14 იანვარს, დამთავრებულია 1958 წ. 10 მარტს.

ბრალად ედებოდათ: არალეგალური სტამბის შექმნა, ანტისაბჭოთა ფურცლებისა და ბროშურების დამზადება და გავრცელება.

ძიება იყო მკაცრი და სკრუპულოზური, იგი ძირითადად ოთხი მიმართულებით მიმდინარეობდა: რამდენი კაცისგან შედგებოდა „ხალხის კეთილდღეობისთვის მებრძოლთა“ ორგანიზაცია და ვინ იცოდა მისი არსებობა?

სულ რამდენი ნომერი ანტისაბჭოთა ფურცელი და ბროშურა გამოუშვეს (მიკვლეული იყო მხოლოდ №2 პროკლამაცია, №7 ბროშურა და ერთი საშვიდნოემბრო მონოდება)?

კიდევ რა ანტისაბჭოთა საქმიანობას ეწეოდნენ?

სად და როგორ იშოვეს არალეგალური სტამბისთვის შრიფტი და სხვა მოწყობილობა?

ძიებამ დაადგინა: ორგანიზაცია მხოლოდ ორი მეგობრის – იროდი ფაჩულიასა და გივი ბარამიძისგან შედგებოდა და მისი არსებობა უახლოესმა ადამიანებმაც არ იცოდნენ.

გამოსცეს მხოლოდ ის, რაც იშოვეს. „სვანეთი“ შთაბეჭდილების გასაძლიერებლად დაანერგეს;

სხვა ანტისაბჭოთა ქმედება არ ჩაუდენიათ;

„სჯობს, უსხოელის მიენდო მტრობას...“

ამთავრა ყოფილი 29-ე სკოლის შვიდწლედ (სკოლა მიატოვა და თვითგანათლებას შეუდგა). ჰყავდა დედა, ძმა (1970-იან წლებში დოცენტად მუშაობდა საქართველოს პოლიტექნიკურ ინსტიტუტში) და უფროსი და, რომელიც გაგრაში გათხოვდა. ვალიკო უაღრესად ნიჭიერი ბიჭი იყო. თვითონ შეისწავლა უმაღლესი მათემატიკა, მანქანათმშენებლობა, ხაზვა, კარტოგრაფია, რამდენიმე უცხო ენა. მიუხედავად იმისა, რომ მხედველობა ძალიან დაქვეითებული ჰქონდა, უყვარდა კითხვა, შესანიშნავად იცოდა ისტორია, გეოგრაფია, ლიტერატურა.

იყო თავის თავში ჩაკეტილი, უთქმელი, დინჯი, წყნარი კაცი. სცადა თურქეთის საზღვარზე გადაპარვა. დააპატიმრეს, ჯერ დააპირეს „გიჟად“ გამოეცხადებინათ, ორი თვე ფსიქიატრიულ საავადმყოფოშიც კი ამყოფეს, შემდეგ სამი წელი მიუსაჯეს, სასჯელს ჩიტას ოლქში იხდიდა. გადასახლებიდან გაიპარა, დაიჭირეს და 5 წელი დაუმატეს, გადასახლეს უფრო შორს. ორჯერ კიდევ სცადა გაპარვა. კიდევ დაუმატეს პატიმრობის 3 თუ 4 წელი, ამრიგად 3-წელისჯილმა პატიმარმა თანდათან 12-13 წელი მოიხადა. ციხიდან გამოვიდა მხოლოდ 70-იანი წლების შუახანებში, მაშინ ჩაიდინა ტერორისტული აქტები...

მეთოდმა, რომელიც ვალიკო ჟვანიამ საბრძოლველად აირჩია, ადამიანის სიკვდილი გამოიწვია. იგი ისტორიაში შევიდა, როგორც მარტოხელა ფანატიკოსი ტერორისტი და არა, როგორც საქართველოს ეროვნული დამოუკიდებლობისათვის მებრძოლი.

2. „პურლაკი“

პირველად 1956 წლის მაისში უნივერსიტეტისა და სტუდენტთა ტერიტორიაზე გავრცელდა ანტისაბჭოთა ფურცლები „სამართლიანობისათვის“ – „ხალხის კეთილდღეობისათვის მებრძოლთა ორგანო №2“.

იმავე 1956 წლის ნოემბრის დღესასწაულის წინა დღეებში აღმოაჩინეს იმავე შრიფტით აწყობილი პროკლამაცია: „პროლეტარებო ჩვენი ქვეყნისა, შეერთდით! 7 ნოემბერს – არც ერთი დემონსტრაციაზე!“


1957 წლის ივნისში დედაქალაქის ცენტრში მიაკვლიეს თვითნაკეთ ბეჭდურ ბროშურას „სალალობელი“ – „ხალხის კეთილდღეობისთვის მებრძოლთა ორგანო №7, სვანეთი“. ფურცელზე მოთავსებული იყო ანტისაბჭოთა შინაარსის ლექსები და რუსი მხატვრის ი. რეპინის ცნობილი სურათი „ბურლაკები ვოლგაზე“ წარწერით – „დიდი ხანია, საბჭოთა ხალხი ამგვარად ეზიდება მუდმივ ქაპანს, მაგრამ დასასრული



იროდი ფაჩულია



გივი ბარამიძე



იროდი ფაჩულიას და გივი ბარამიძის მიერ დაბეჭდილი და გავრცელებული პროკლამაცია

შრიფტი ი. ფაჩულიამ ჩუმად გამოიტანა ბეჭდვითი სიტყვის კომბინაციის საბეჭდო საამქროდინ, ფურცლებს ბეჭდვდნენ მისივე სახლის სხვენზე.

მეგობრები ვაჟკაცურად ცდილობდნენ ერთმანეთის დაცვას როგორც ძიებისას, ისე სასამართლოზე.

ამონაწერი 1958 წლის 26 მარტის დახურული სამსჯავრო სხდომის ოქმიდან:

„ი. ფაჩულია – ფურცლების ბეჭდვის სათხი პირველმა მე წამოვეჭრი;

ბ. ბარამიძე – ფაჩულიამ რატომღაც მეტი პასუხისმგებლობა აიღო თავის თავზე. ჩვენ ერთნაირად უნდა ვაგოთ პასუხი, რადგან ორივემ მოვილაპარაკეთ ამ საქმეზე. ჩემ გარეშე ფაჩულია არავფერს აკეთებდა, ხოლო მე სავესტით ვიზიარებდი მის იდეებს“.

მიიღეს კიდევ თანაბრად: 8-8 წელი და სასჯელის მოხდის შემდეგ საარჩევნო ხმის უფლების 3-3 წლით ჩამორთმევა“.

იროდი ლეჟანის ქი ფაჩულია – დაბადებული 1922 წელს ცხაკაიას რაიონის სოფელ სორში. ქართველი, უპარტიო, უმაღლესი განათლებით, თეატრმცოდნე, 1950 წელს დაამთავრა თბილისის თეატრალური ინსტიტუტი, ნასამართლევი არ ყოფილა. თბილისის სომხური დრამის თეატრის მთავარი ადმინისტრატორი. ცოლ-შვილიანი. ჰყავს 9 და 4 წლის ვაჟები, მცხოვრები თბილისში, ბოჭორშიშვილის ქ. №45.

ბიძი იხსენის ქი ბარამიძე – დაბადებული 1929 წელს, ლანჩხუთის რაიონის სოფელ ლესაში. ქართველი, უპარტიო. უმაღლესი განათლებით. თეატრმცოდნე. 1953 წელს დაამთავრა თბილისის თეატრალური ინსტიტუტი, ნასამართლევი არ ყოფილა. კულტურის სამინისტროს კინემატოგრაფიის სამმართველოს სარეკლამო ჯგუფის დირექტორის მოადგილე. ცოლ-შვილიანი, ჰყავს 4 წლის ვაჟი. მცხოვრები თბილისში, ხოდაშნის ქ. №12.

შეუფარავად, აშკარად, ლამაზად გააცხადეს მიზნები, რამაც ისინი ანტისაბჭოთა მოქმედებამდე მიიყვანა: „ჩვენი ეს გადაწყვეტილება აღმოცენდა 1956 წლის 9 მარტს, როცა უდანაშაულო ხალხის მიმართ ცეცხლსასროლი იარაღი იხმარეს. ეს მოქმედება ჩავთვალეთ ქართველი ხალხის ეროვნულ ჩავგვრად, ჩვენი სამშობლოს ფეხქვეშ გათელვად“.

მისამართი: მორდვეთის ასსრ. ზუბოვ-პოლიანსკის რაიონი, პოლიტექნიკური ბანაკი, საფოსტო ყუთი 385-7.

სამშობლოში კი ქალების ამარა, ულუკ-მაპუროდ დარჩენილი ოჯახები, მცირეწლოვანი ბავშვები.

1960 წლის 16 მაისს საქართველოს უზენაესი სასამართლოს პრეზიდიუმმა ი. ფაჩულიასა და გ. ბარამიძეს 8-8-წლიანი სასჯელი, როგორც გადაჭარბებით მკაცრი, 5-5 წლამდე დაუყვანა.

გათავისუფლდნენ 1963 წლის იანვარში.

გივი ბარამიძე 1990 წელს გარდაიცვალა, ნატანჯმა გულმა უღალატა, 60 წლი-



მეხი გიორგი და ამირან ფიცხელაურები.



სა იყო მხოლოდ. იროდი ფაჩულია ხანში რომ შევიდა, მშობლიურ ბუდეს დაუბრუნდა. ბოლო ხანს სოფელ ხორში ცხოვრობდა. გულს მიხარებდა ამ ფუსფუსა, ჩასკვნილ, ჭარმაგ კაცთან ყოველი შეხვედრა და საუბარი.

ისინი გმირები იყვნენ, არადა, გმირული თითქოს არაფერი ეცხოთ.

დღეს იქნებ გულუბრყვილოდ მოგეჩვენოთ „ხალხის კეთილდღეობისთვის მებრძოლთა“ თხზულებები. ოღონდ არ დაგავინყდეთ, ეს 1956-57 წლებია, ეს 9 მარტის ხოცვა-ჟლეტი კიდე უფრო შემკვრივე ბული უკუნი, სადაც ჯერ ნათლის ერთი სხივიც კი არ ჭიატებს.

„ხალხის კეთილდღეობისთვის მებრძოლები“ ერთ-ერთი პირველი მერცხალი იყო საბჭოთა საქართველოს უკიდევანოდ მოღუშულ ცაზე.

3. დანგრეული სოფრება

1958 წელს სუკმა დაარბია თბილისის პიონერთა სასახლის რუსული ლიტერატურის წრე, დააპატიმრეს წრის რამდენიმე წევრი და პედაგოგი, თბილისის სახელმწიფო უნივერსიტეტის რუსული ფილოლოგიის ფაკულტეტის IV კურსის სტუდენტი

ენელად და თანაგრძობით აღწერა ქალბატონ რ. ჩირაძის ფაფურები.

ღმერთმა იცის, სუკის ბადეში რომ არ მოხვედრილიყო, როგორ წარმართებოდა ამ არაორდინარული ქალბატონის ცხოვრება, რა მოქალაქე და შემოქმედი დაკარგა მისი სახით საქართველომ. არასოდეს სიტყვა არ დაუძრავს თავის თავზე. არადა, რამდენი თვითმარქვია იჩემებს და თითებიდან იწოვს თავის „დამსახურებას“ ეროვნულ-გამათავისუფლებელ მოძრაობაში!

4. თაყვანისმცემი

საკავშირო მთავრობისა და კომუნისტური პარტიის ერთობლივი საიდუმლო გადაწყვეტილებით 1958 წლის შემოდგომაზე გაუქმდა ეროვნული ისტორიის სწავლება ზოგადსაგანმანათლებლო და უმაღლეს სკოლებში. 1959 წელს გამოსცეს „საბჭოთა კავშირის ხალხთა ისტორიის“ სახელმძღვანელო, სადაც თითოეულ რესპუბლიკას 57-58 გვერდი ჰქონდა დამოძილი, ე.ი. სულ 4-5 აკადემიური საათი.

ამ დონისძიებამ, ფაქტობრივად, უხმაუროდ ჩაიარა, იმ უკიდევანოდ საბჭოთა კავშირში არავის საპროტესტოდ კრინტიც არ დაუძრავს. ერთადერთი რესპუბლიკა, სადაც ამას გარკვეული წინააღმდეგობა გა-

მოღვანეობას, ზრდიდა ორ შვილს, ცხოვრობდა თბილისურ ეზოში...


რამდენი ასეთი ჩუმი გმირი იყო ჩვენ გვერდით...

5. დისიდენტი პერსონალური პენსიონარი

ჩვენ დიდად გვყავდნენ მამულიშვილები, რომლებმაც შეგნებულად ჩაიგდეს თავი ხიფათში და სინდისის კარნახით შეებრძოლნენ საბჭოთა ტოტალიტარულ რეჟიმს.

მთავრობის საწინააღმდეგო პირველი ხელნაწერი ფურცლები 1956 წლის დემონსტრაციებისა და მანიფესტაციების დღეებში გამოჩნდა. ამას მოჰყვა დაბეჭდილი პროკლამაციები, რომლებშიც დაგმობილი იყო საბჭოთა ხელისუფლება, ავტორები ხალხს მოუწოდებდნენ, ებრძოლათ საქართველოს დამოუკიდებლობისთვის.

საკავშირო მნიშვნელობის პერსონალურმა პენსიონარმა პეტრე მეუნარგიამ „გათავისუფლების კომიტეტის“ ხელმოწერით 9 ანტისაბჭოთა ბიულეტენი შეადგინა და სხვადასხვა დაწესებულებას, ორგანიზაციასა და პიროვნებას დაუგზავნა.



გიორგი და მიხეილ ფიცხელაურების არალეგალურ სტამბაში დაბეჭდილი და გავრცელებული პროკლამაცია.

6. სტამბა გამომავალი

1956 წლის 10 ნოემბერს დააპატიმრეს გიორგი ბატიაშვილი (დაბ. 1918 წელს ლაგოდეხში, სამამულო ომის მონაწილე, თადარიგის კაპიტანი) მის მიერ შედგენილი და გავრცელებული 4 ხელნაწერი პროკლამაციისთვის, რომლებიც 1956 წლის 7, 8, 11 და 12 ივლისს გორში სასტუმრო „ქართლის“ კედლებზე გააკრა. უზენაესმა სასამართლომ მას 5 წლით თავისუფლების აღკვეთა მიუსაჯა.

ასეთივე ზომა მიესაჯა ამირან ფიცხელაურს (დაბ. 1926 წელს წითელწყაროში, დააპატიმრეს 1956 წ. 4 ოქტომბერს), რომელმაც 14 ანტისაბჭოთა ხელნაწერი ფურცელი შეადგინა, ავრცელებდა თბილისის საავიაციო ქარხნის ტერიტორიაზე. ფურცლებში ლაპარაკი იყო მუშათა დაბალ ხელფასებზე, მთავრობის მიერ საბჭოთა ხალხის მოწყობაზე, მის უნიათობაზე, რაც სახელმწიფოს ჩიხში აქცევდა.

პროკლამაციის გავრცელებისთვის 1957 წლის დეკემბერში დააპატიმრეს თბილისელი მოქალაქეები: ზვიად გამსახურდია, მერაბ კოსტავა, ვლადიმერ სიხარულიძე, გურამ სხირტლაძე, გურამ დოჩანაშვილი, ანატოლი მიქაძე, თემურ ცერცვაძე, თამაზ გუნჯუა, თემურ მტრეველი, რომლებიც თავიანთ თავს „გორგასლიანებს“ უწოდებდნენ. ისხდნენ 4 თვე - 1958 წლის აპრილამდე.

60-იანი წლების დასაწყისში გამოვლინდა აგრეთვე ტერორისტული აქტის მცდელობა (მეგობრების ჯგუფი) ნ. ხრუშჩოვის წინააღმდეგ.

ხელნაწერი არალეგალური ფურცლების გარდა, იყო ნაბეჭდი პროკლამაციებიც, ფაჩულია-ბარამიძის საიდუმლო სტამბის მსგავსი სხვა არსებობდა.

ყაზბეგში, ერთ-ერთ გამოქვეყნებულში გმართეს სტამბა მძებმა მიხეილ (დაბ. 1931 წ. ყაზბეგის მხარეთმცოდნეობის მუზეუმის მოლარე-მოანგარიშე) და გიორგი (დაბ. 1934 წ. მსუბუქი მრეწველობის ტექნიკუმის მოსწავლე) ფიცხელაურებმა, რაიონული გაზეთის „ახალი ხევის“ სტამბიდან ღამით ჩუმად გატანილი შრიფტითა და სასტამბო ნიშნებით, თვითნაკეთი მოწყობილობით.

პირველი პროკლამაცია, 240 ცალი 1956 წლის ოქტომბერში დაბეჭდეს და ფოსტით დაუგზავნეს თბილისში, სტუდენტულ მცხოვრებ სტუდენტებს, დაწესებულებებს. სასამართლომ 1958 წლის მარტში მიხეილ და გიორგი ფიცხელაურებს 6-6 წლით პატიმრობა მიუსაჯა, თუმცა შემდეგ 2-2 წელი ჩამოაკლო. სასჯელი მორდევით „დუბროვკაში“ მოიხადეს.

ასე რომ, პრეტენსიისა და წინააღმდეგობის ქაზი არ გამწყდარა, ეროვნული სულიანკითების ნიშანი არ გამძაბდა.

ოღონდ გავინ ყველას ნათლად როდი ამონდა წარმოდგენილი, რომორი უნდა ყოფილიყო თავისუფლება, დამოუკიდებლობა. ამის გასაძვირებლად საში ათეული წელი კიდეც იყო დარჩენილი.

„შინახოს მუღვივად“ - ანარია სუკის არქივში დაცულ ამ ტომავს. შვიინახოთ და გვახსოვდეს!

ალეკო ასლანიშვილი

ლახპარი ჩაეს უახუნელ პარტიას!

რუსუდან ჩირაძე.

რუსუდანს, ანტისაბჭოთა საქმიანობისათვის 50-იანი წლების ბოლოს გასამართლებულთან შედარებით, რატომღაც ყველაზე მკაცრი სასჯელი შეუფარდეს - 10 წელი და, როგორც იტყვიან, ზარიდან ზარამდე მოახდევინეს, გაათავისუფლეს 1967 წელს.

მის სამ 16-17 წლის მოსწავლეს 3-4 წლით პატიმრობა მიუსაჯეს, მათგან ორი ებრაელი ჭაბუკი შემდეგ, 1970 წლის დასაწყისში, ემიგრაციაში წავიდა, ქართველ ებრაელთა პირველ ნაკადთან ერთად.

რამი დასდეს ბრალი პედაგოგსა და მის მოსწავლეებს, ასეთი სასტიკი სასჯელისათვის რატომ გაიმეტეს? ისინი ამხილეს... ანტისაბჭოთა ლექსების შეთხზვასა და საჯაროდ კითხვას!

ამ პატიმრობამ მთლიანად დაანგრია და გააუბედურა მრავალმხრივ განათლებული, უაღრესად ნიჭიერი, ერთდირებული ქალიშვილის რუსუდან ჩირაძის ცხოვრება. გათავისუფლების შემდეგ დედასთან ერთად ცხოვრობდა დილოში, ერთთახიანი ბინაში, დუხჭირად, უკიდურეს სიღატაკეში. ეცვა უზადრუკად. ასაკით ჯერ კიდევ ახალგაზრდა, 40 წელს მიუღწეველი ქალი სულიერად დაკრძობილი და საშინლად დაშინებული, მოდუნებული, ჩამქრალი იყო. ლაპარაკობდა ხმადაბლა, მორიდებით, არასდროს არავის არაფერში ეკამათებოდა, ტოვებდა სულიერი ავადმყოფის შთაბეჭდილებას.

მთავარი ის არის, რომ ამ ქალბატონს პატიმრობიდან გათავისუფლების შემდეგაც არ მოჰკლებია სუკის ყველგანმწვდომი, ყოვლისმხილველი თვალი. 1970-იანი წლების ბოლოს სუკმა ვინმე სულგაყიდულ ხელსაწყო, რუსუდან ჩირაძეს ანტისაბჭოთა შინაარსის რომანი დაუწერიაო და დაფაცურდა. იმის შეტყობა, თუ რა დაწერა ანტისაბჭოთა საქმიანობაში ერთხელ უკვე მსჯავრდებულმა ქალმა, დაევალა სუკის საკმაოდ მაღალი თანამდებობის ოფიცერს ჯემალ ფოცხვერიას, რომელმაც მოახერხა ეჭვმიტანილის ნდობის მოპოვება, მისი თანხმობით წაიკითხა ის 350-400-გვერდიანი ხელნაწერი რომანი და იყო პატიოსნება დაეწერა დასკვნა, რომ რუსუდან ჩირაძის ნაშრომი საბჭოთა ხელისუფლებისათვის არავითარ საფრთხეს არ წარმოადგენდა, რამაც დაამშვიდა როგორც რესპუბლიკის, ისე საკავშირო უშიშროების კომიტეტის ხელმძღვანელობა და ისედაც გაუბედურებულ, სასიკვდილოდ დაშინებულ ქალს ერთხელ და სამუდამოდ ჩამოაშორა ამ მრისხანე ორგანიზაციის ზედამხედველობა.

2008 წელს ბატონმა ჯემალ ფოცხვერისამ გამოსცა წიგნი „შავი სათვალე ეკეთა - ჩეკისტის ჩანაწერები“, რომელშიც პირუთ-

უნის, საქართველო იყო. მშობლიური ისტორიის სწავლების გაუქმების წინააღმდეგ ხმა აღიმართა მხოლოდ თბილისის ერთ-ერთი სკოლის პედაგოგმა კობახიძემ. იგი იორჯერ შეუფარდა განათლების სამინისტროს კოლეგიას, როგორ თანხმდებოდა საქართველოს ისტორიის სწავლების გაუქმებას, სულ ლაჩრები და ერის ინტერესების გამყიდველები უძახა მათ.

უშიშროების კომიტეტში არსებული მასალებიდან ჩანს, თითქოს მან დებოში მოაწყო, დაარბია იქაურობა, შეურაცხყოფილი სიტყვებით და „დამამცირებელი რეპლიკებით“ თავზარი დასცა სამინისტროს კოლეგიის ისედაც დაბნეულ წევრებს, „სამელნე ესროლა მინისტრს და დაუსვარა გაქათბებული კოსტიუმი და სხეულისთვის ნაკლებად მძიმე ზიანი მიაყენა“ (ეს სათანადო სამედიცინო ცნობით იყო დადასტურებული, რომელიც დაზარალებულ მინისტრს ცეკას სამედიცინო სამსახურის მე-4 სამმართველოში აუღია).

გამოძახებულ მილიციას „დებოშიორი“ წერილშიან ხულიგნობის მუხლით დაუკავებია და 15 დღით პატიმრობა მიუსჯია. თუმცა შემდეგში კოლეგიის წევრებს და მინისტრს ჰუმანურობა გამოუჩინიათ და თხოვნით მიუმართათ შინაგან საქმეთა სამინისტროსთვის, რომ ვადაზე ადრე გაეთავისუფლებინათ პედაგოგი, რომელმაც მართალია, „შეარცხვინა პედაგოგის სახელი, მაგრამ ეს გადაჭარბებული აღელვების, აფექტის მდგომარეობაში ჩაიღინა“, თითქოსდა, მათი მონაცემებით, „ცოტა ნასვაშიც ყოფილა“.

ახლა ძნელია განსჯა, რა იყო იმ ბრალდებაში მართალი, ის კი უტყუარია, რომ განათლების სამინისტროს მუშაკებმა, რომლებიც მშვენივრად ხვდებოდნენ, თუ რა უსამართლო და დამამცირებელი იყო საკავშირო ცკ-სა და მთავრობის დადგენილება ეროვნული ისტორიების სწავლების გაუქმების თაობაზე, თანაც, ალბათ, გულში აღფრთოვანებული იყვნენ პედაგოგ კობახიძის თავგანწირვით, სინდისი მოინმინდეს და პატიმრისთვის პატიება ითხოვეს.

პატიებით კი „აპატიეს“ „ხულიგანს“, მაგრამ სამსახურიდან დაითხოვეს და საერთოდ აუკრძალეს პედაგოგიური მოღვაწეობა, ალბათ, სუკის, „ჩანოვებით“. კობახიძე ერთი წელი ამაოდ ცდილობდა სამსახურში აღდგენას, მაგრამ სულით არ დაცემულა, საოცარი ნებისყოფა გამოიჩინა და... თბილისის სამედიცინო ინსტიტუტში ჩააბარა გამოცდები (არ დაგავინყდეთ, ეს ხდება 1960-იანი წლების დასაწყისში, როცა სამედიცინო ინსტიტუტში ჩაბარება საოცრად იყო გართულებული), დაამთავრა მისი სრული კურსი და შემდეგ, ექიმად ემსახურებოდა ხალხს. 60-იანი წლების ბოლოს თითქმის ჩამოშორდა ანტისაბჭოთა



პეტრე მეუნარგია



მიხეილ ყიფიანი

იგი ძალზე საინტერესო ბიოგრაფიის კაცი იყო, დაიბადა 1888 წელს ხობში, 1905 წ. ჩაება რევოლუციურ მოძრაობაში. საბჭოთა ხელისუფლების დამყარების შემდეგ იყო პოლიტსამმართველოს თანამშრომელი, სახბანკის მმართველი, ხობის რაიკომის კომის თავმჯდომარე, წითელი ჯვრის რესპუბლიკური პრეზიდენტის თავმჯდომარის მოადგილე, შინსახკომის მუშაკი, საქართველოს უმაღლესი სასამართლოს თავმჯდომარის მოადგილე, 1944 წლიდან საკავშირო პერსონალური პენსიონერი. გარდაიცვალა 1976 წ.

საქართველოს სსრ უმაღლესმა სასამართლომ 1956 წ. 12 ივლისს 68 წლის პეტრე მეუნარგიას 8 წლით თავისუფლების აღკვეთა მიუსაჯა. იჯდა მორდვეთის ასსრ დაბა იავასის „დუბროვკის“ ბანაკში.

ანტისაბჭოთა მუშაობა არც გადასახლებაში შეუნწყებია, 9 მარტის მოვლენებში აქტიური მონაწილეობისთვის ასევე 8-წლმისაჯილ მიხეილ ყიფიანთან (დაიბადა 1914 წელს ბაღდათში, იყო სამამულო ომის მონაწილე) ერთად ქართველ მსჯავრდებულთაგან შექმნა „საქართველოს გათავისუფლების კომიტეტი“, რომელმაც მიზნად დაისახა ბრძოლა საქართველოს სახელმწიფოებრიობის აღდგენისთვის.

შეადგინეს „მომავალი საქართველოს წყობის წესდება“, რომელიც ითვალისწინებდა კონსტიტუციის საფუძველზე მისი საშინაო ცხოვრების სოციალისტურად მოწყობას, რესპუბლიკის კომპარტიას სახელმწიფოებრივ უნდა შეცვლოდა და მუშათა და გლეხთა სოციალ-დემოკრატიული პარტია დარქმეოდა. უმაღლესი სახელმწიფო ორგანო იქნებოდა მინისტრთა საბჭოს კაბინეტი, წესდება ასევე ვარაუდობდა ეროვნული არმიის შექმნას ცალკე სახალვრო დაცვის სპეციალური ჯარით, რომელიც ეროვნული არმიის სარდლობას დაექვემდებარებოდა. ამასთან სასაზღვრო დაცვაზე მეთვალყურეობას განახორციელებდა საკავშირო მთავრობაც, ერთი სიტყვით, ეს კონფედერაციის მსგავსი პროექტი იყო.

ტრამპის საიმიგრაციო პოლიტიკა მიუღებელია, რადგან თვითონ ამერიკა საფუძველშივე მიგრანტთა ქვეყანაა

დონალდ ტრამპის ხისტი მიგრაციული პოლიტიკას ვაშინგტონში საპროტესტო აქციით შეხვდნენ. ასობით დემონსტრანტიმ არალეგალების მასობრივი დემონსტრაცია გააპროტესტა მთავარი ლოზუნგით – „მე მათი ბედი მადარდებს“. აქციის მონაწილენი მოითხოვენ, შეწყდეს მიგრანტების მასობრივი დაკავება ამერიკა-მექსიკის საზღვრის უკანონო გადაკვეთის გამო.


აქციის მიუხედავად, დონალდ ტრამპი ხისტი მიგრაციული პოლიტიკის ერთგულად რჩება. ამ რამდენიმე დღის წინათ ტრამპმა დაუფარავად აღნიშნა, „ჩვენ ვაპირებთ, ბრძანება გამოვცეთ და არალეგალი მიგრანტების ოჯახები ერთად განვთავსოთ, თუმცა მათ მიმართ სიმკაცრე უნდა შევიწინააღმდეგოთ, თორემ ჩვენს ქვეყანას დაიპყრობს ხალხი, კრიმინალი და ყველაფერი, რისი ატანაც არ გვსურს“.

მართლაც, სულ ახლახან დონალდ ტრამპმა მიგრანტთა ოჯახების განცალკევება აკრძალა. თუმცა იქვე განმარტა, რომ ამ აკრძალვის მიუხედავად, საიმიგრაციო პოლიტიკა – „ნულოვანი ტოლერანტობა“ მომავალშიც გაგრძელდება.

ბოლო რამდენიმე კვირაში აშშ-ის ხელისუფლებამ სპეციალურ ცენტრებში განათავსა 2300-მდე ბავშვი, რომლებიც არალეგალმა მიგრანტებმა აშშ-ის ტერიტორიაზე გადაიყვანეს, თავად კი წინასწარი დაკავების იზოლაციაში აღმოჩნდნენ. ამის გამო თეთრი სახლის ლიდერის საიმიგრაციო პოლიტიკა კრიტიკის ქარცეცხლში გაატარეს. რიგ პოლიტიკოსებთან ერთად აშშ-ის საიმიგრაციო პოლიტიკა რელიგიურმა ლიდერებმა და საერთაშორისო ორგანიზაციებმაც დაგმეს.

გაეროს ბავშვთა ფონდი – „იუნისეფი“ აშშ-ის სამხრეთით, მექსიკის საზღვართან არალეგალი მიგრანტებისთვის შვილების წართმევასა და ოჯახების ძალადობრივ განცალკევებას აკრიტიკებს. როგორც „იუნისეფის“ თავმჯდომარემ კრისტოფ ბულერმა განაცხადა, საზღვრის უკანონო გადაკვეთის დროს ზრდასრულ მიგრანტებს აკავებენ, ბრალს უყენებენ, თანმხლებ ბავშვებს კი ართმევენ და ცალკე სპეციალურ ცენტრებში ათავსებენ. საერთაშორისო მედიამ ხმოვანი ჩანაწერიც გამოაქვეყნა, სადაც პატარა ბიჭის ტირილი და მამის ნახვის მოთხოვნა ისმის. უცხოურ მედიაში გავრცელებული ინფორმაციით, მშობლებისგან განცალკევებულ ასობით ბავშვს ცხოვრება გისოსებში უწევს და ბეტონის იატაკზე სძინავს.

ამ ეტაპზე გაურკვეველია, რა ბედი ელის ცალკე განთავსებულ 2300 ბავშვს და



დააკავებენ თუ არა მათ უფროსებთან ერთად. სიტუაციას დრამატულობს სქენის ის ფაქტიც, რომ არა მარტო მოზრდილ ბავშვებზეა საუბარი, არამედ 18-თვის ასაკის ბავშვებზეც, რომლებსაც მშობლებისგან განცალკევებით ათავსებენ.

ექსპერტი მიგრაციის საკითხებში ნანა ნაზაროვა აცხადებს, რომ, ცხადია, დონალდ ტრამპის მიგრაციული პოლიტიკა მტიკინეულია ბავშვებისთვის და ეს ბავშ-

ვთა კონვენციის, საერთაშორისო კანონმდებლობის დარღვევაა, მაგრამ ამერიკისთვის ეს არაფერს ნიშნავს. ამერიკელები ამბობენ, საერთოდ, ადამიანის უფლებების კომიტეტიდან გავდივართ და არც გვინდა თქვენი ადამიანის უფლებებიო. ძლიერი ქვეყნები ასეთ რამეს აკეთებენ და, პატარა ქვეყნებისგან განსხვავებით, დიდ ქვეყნებზე ზენოლა ძალიან ძნელია.

„რუსეთი და ამერიკა თითქმის ერთნა-

ირად იქცევიან ადამიანის უფლებების სფეროში. თუმცა არც ის დაგვაინწყდეს, რომ არალეგალური მიგრაცია ნიშნავს, რომ ადამიანმა გადაკვეთა საზღვარი ტბებით, ტყეებით, მთებით, ანუ კანონიერად არ გადალახა საზღვარი, რაც კრიმინალური საქციელია. ყველა ქვეყნის კანონმდებლობა, მათ შორის, საქართველოს კანონმდებლობაც ამ საქციელს კრიმინალურად ცნობს. სხვათა შორის, ამისთვის საქართველოში უამრავი ადამიანი ციხეში ზის. როგორც ვიცი, თუ პატარა ბავშვია, მაშინ დედასთან ერთად მიდის ციხეში, ხოლო, თუ უფრო დიდი ასაკისაა, მაშინ ბავშვისა და მშობლის განცალკევება ხდება და ბავშვს გადასცემენ საკუთარ ოჯახს, ხოლო, თუ ეს ოჯახი არ არის იმ ქვეყანაში, მაშინ სად უნდა წაიყვანონ ბავშვი? ამიტომაც, რაც ამერიკაში ხდება, კანონიდან გამომდინარე, ლოგიკურია. თუმცა ადამიანის უფლებების თვალსაზრისით, ეს საშინელებაა“, – აღნიშნა ნანა ნაზაროვამ.

მისი თქმით, ტრამპი მიგრანტების მიმართ ასეთ ხისტი მიდგომას არ გამოავლენდა, კანონს რომ არ მიეცა ამის საშუალება. ის ამას კანონიერად აკეთებს, რადგან თავად არალეგალმა მიგრანტებმა დაარღვეეს კანონი. უბრალოდ, ტრამპმა კიდევ უფრო გაამკაცრა ეს კანონი და მასში დამატებითი ჩანაწერები გააკეთებინა.

ნანა ნაზაროვა ისტორიულ ძნელებედობასაც იხსენებს და ამბობს, რომ ომების დროს ადამიანები ტოვებდნენ სამშობლოს და გარბოდნენ უცხოეთში ბავშვებითურთ, ოჯახებითურთ. წინათ ასეთი რამ მხოლოდ ომის დროს ხდებოდა, ახლა კი მექსიკაში ომი არ არის, უბრალოდ, საშინელი სიღარიბეა.

„მიგრაციის საერთაშორისო ორგანიზაციის“ ქუთაისის ოფისის კოორდინატორი ნუზარ ქოსრამია დონალდ ტრამპის ახალ გადაწყვეტილებას მიესალმება, რომლის თანახმადაც, ბავშვები და მშობლები არ უნდა დააშორონ ერთმანეთს, თუმცა მიიჩნევს, რომ, ზოგადად, ტრამპის მკაცრი საიმიგრაციო პოლიტიკა არ არის მისაღები, რადგან თვითონ ამერიკა თავის საფუძველშივე მიგრანტულია ტერიტორიის საშინელება, სხვა საფრთხეებიც არსებობს, მაგრამ მკაცრი პოლიტიკის წარმოება არასდროს იძლევა დადებით შედეგს, რასაც უსაფრთხოება და ტერიტორიისგან ბრძოლა ჰქვია. პირიქით, ამით უფრო მეტად დაშავდებიან ჩვეულებრივი ადამიანები, რომლებიც ომებს, კონფლიქტებს გაუზიანებთ თავიანთ ქვეყნებში.

ნიაზაროვა ნუზარ ქოსრამია

ტოფიგ აბასოვი: საქართველოში პორტუგის განვითარება მთელი რეგიონის ინტეგრაციას მოუხსნის

საინფორმაციო სააგენტო „ბეინტელ“ საქართველოში პორტუგის მშენებლობის თემატიკას სტატიების ციკლი მიუძღვნა. ჩვენ ამ საკითხზე აზრის გამოთქმა ვთხოვეთ საქართველოში მოღვაწე ეკონომისტებს, პოლიტოლოგებსა და უსაფრთხოების საკითხებზე მომუშავე ექსპერტებს. გამომდინარე იქიდან, რომ პორტუგალი რეგიონალური მნიშვნელობისაა, გადავწყვიტეთ, მკითხველისთვის უცხოელი ექსპერტების მოსაზრებებიც გაგვეცნო.



Tofiq Abbasov

დღეს გთავაზობთ საქართველოს ერთ-ერთი სტრატეგიული მოკავშირის, მეგობარისა და პარტნიორი ქვეყნის, აზერბაიჯანის წამყვანი პოლიტოლოგის ტოფიგ აბასოვის პოზიციას, რომელიც აღნიშნულ პროექტებს რეგიონალურ პრიზმაში მიმოიხილავს.

აზერბაიჯანელი პოლიტოლოგის ტოფიგ აბასოვის განცხადებით, ანაკლიის ღრმანყოფილებაში პორტუგისა და ბათუმის ნავსადგურის ტერიტორიაზე თანამედროვე ტერმინალის მშენებლობის წარმატებით რეალიზაციის შემთხვევაში, აღნიშნული პორტები როგორც საქართველოს, ისე მთელი რეგიონის ინტეგრაციას მოემსახურება.

როგორც „აქცენტს“ აზერბაიჯანელმა პოლიტოლოგმა განუცხადა, „ესენი ძალზე აქტუალური პროექტებია, რომლებიც სამომავლოდ გაამარტივებს და უფრო ეფექტურს გახდის ტვირთების გადაზიდვას“.

„უპირველესად, ალბათ, უნდა აღინიშნოს აზერბაიჯანის საკვანძო როლი. ეს როლი და ის, თუ როგორ პოზიციონირებს ბაქო საკუთარ თავს ფუნქციონალურ სუბიექტად,

რომელსაც ძალუძს, ძალზე წარმატებულად, ძალზე მოქნილად ჩაენეროს გლობალურ პროექტებში, ეს კარგ და გადამდებ მაგალითს ქმნის ჩვენი მეზობელი სახელმწიფოებისთვის. თანაც, აზერბაიჯანი და საქართველო უკვე მრავალი წელია, 1990-იანების ბოლოდან ერთ „შეკვრაში“ არიან, წარმატებულად თანამშრომლობენ და ამით ქმნიან ძალზე დადებით საინტეგრაციო ფენომენს მთელი რეგიონისთვის, რაც ძალიან კარგია და დასაფასებელია.

რაც შეეხება საკუთრივ ამ პროექტს, ეს მართლაც ძალზე მსხვილი ინფრასტრუქტურული პროექტია, რომელიც წარმატებით განხორციელების შემთხვევაში მოემსახურება როგორც თავად საქართველოს, ისე მთელი რეგიონის ინტეგრაციას“, – აცხადებს ექსპერტი.

მისივე თქმით, „საქმე ისაა, რომ ზოგადად, შავი ზღვის აუზი წარმოადგენს აქტიური გეოეკონომიკური ძვრების ზონას, ანუ იქ მუდმივად მიმდინარეობს გარკვეული პროცესები, თუმცა ახლა – მას შემდეგ, რაც 1990-იანი წლების ბოლოდან აზერბაიჯანმა საქართველოსა და თურქეთთან ერთად მიაღწია საკვანძო გარდატეხას ევროპულ პარტნიორებთან ჩვენი ეკონომიკური ურთიერთობების ინტენსიფიკაციის სასარგებლოდ, აქ უკვე საფუძველი ეყრება ახალ ნახტომს. ამ მხრივ საყურადღებოა, რომ „ჩრდილოეთ-სამხეთის“, „აღმოსავლეთ-დასავლეთის“ სატრანსპორტო დერეფნების მხარდახმარ აქტიურად ყალიბდება კიდევ ერთი ალტერნატივის – „სამხრეთ-დასავლეთის“ კონტურები. წარმატებით განხორციელების შემთხვევაში ეს უკანასკნელი აქტიურად იქნება გამოყენებული ისეთი მსხვილი რეგიონული მოთამაშეების მიერ, როგორცაა ირანი, პაკისტანი, ანუ იგი დააკავშირებს ინდოეთის ოკეანეს სპარსეთის ყურის ზონას ევროპასთან (აქ მოიაზრება როგორც

ჩრდილოეთ, ისე სამხრეთ და აღმოსავლეთ ევროპა, მთელი დინამიკური ევროპა კი), რადგან ამ პროექტით უკვე დაინტერესდნენ, მაგალითად, პოლონეთი, ბალტიისპირეთის ქვეყნები, გერმანია, ბელარუსი...

ამდენად, ეს ძალზე პერსპექტიული პროექტია და იმ პირობებში, როცა თვალს ვადევნებთ, მაგალითად, ისეთი გრანდიოზული მეგაპროექტის აქტივიზაციას, როგორცაა „ერთი სარტყელი – ერთი გზა“, რომელსაც ჩინეთი ავითარებს და რომელშიც ბევრი ქვეყანა უკვე ჩაერთო, აქ ჩნდება ალტერნატიული ვარიანტიც. ამიტომაც, თუ გავითვალისწინებთ ტვირთების გადაზიდვის მზარდ ნაკადს აღმოსავლეთი მიმართულებიდან დასავლეთისაკენ, დივერსიფიკაცია უდიდეს მნიშვნელობას იძენს მომავლის ინტერესებისთვის. შესაბამისად, პროექტი „სამხრეთ-დასავლეთი“ ძალზე აქტუალური გამოწვევაა და ქვეყნები, რომლებიც მის მარშრუტში ასორციელებენ შენატანებს – აზერბაიჯანიც, საქართველოც, უკრაინაც და შავი ზღვის აუზის სხვა სახელმწიფოებიც, ქმნიან არანეგულური შესაძლებლობებს დივერსიფიკაციისთვის.

ამგვარად, პრინციპული თანხმობა, რომელიც მიღებულია თეირანს, ბაქოსა და თბილისს შორის, ფაქტობრივად, უკვე ამ პროექტის ნახევარზე მეტს წარმოადგენს და საქართველოშიც, სრულიად ლოგიკურად, უკვე ფიქრობენ იმაზე, რომ გარკვეულწილად, აზერბაიჯანის გზას გაჰყვნენ, ააშენონ ღრმანყოფილება პორტი, რადგან, თუ საუბარი მიდის ტვირთების გადაზიდვის ზრდაზე, მოდალურ, ინტერმოდალურ გადაზიდვებზე და ა.შ. (მინა, წყალი, ზღვა, ისევე მინა), საქართველოც უნდა იყოს მზად როგორც მსხვილგაბარიტიანი მცურავი ტვირთების, ისე ბორნების მისაღებად.

რომ შევავჯამოთ, ეს არის ძალზე აქტუალური პროექტები, რომელიც სამომავლოდ გაამარტივებს და უფრო ეფექტურს გახდის ტვირთების გადაზიდვას“, – აცხადებს აბასოვი.



1



2

მაგთის მობილური სერვისი

რეპაზი

ჩართვა

- www.magticom.ge
- mymagti.com
- მაგთის ოფისი
- 11 00 11 - მაგთიკომის ქსელიდან ზარი უფასოა



4



3

თუ გეძვს მაგთის ინტერნეტი ან IP-ტელევიზია, შექმენი ჯგუფი მაგთის 4 ნომრისგან და ისაუბრეთ ერთმანეთთან მთელი თვე ულიმიტოდ!

დეტალური ინფორმაცია იხილეთ www.magticom.ge



„ჭიანჭალების საფრთხე“

ზრანბ ბიოლოგებს განგაში აქვთ ატენილი: ქვეყნის ბალებსა და ბოსტნებს უზარმაზარი, ნახევარ მეტრამდე სიგრძის ნიჩბისთავა ჭიანჭელები შეესივნენ. ისინი ჩვეულებრივ, ეწ. წვიმის ჭიანჭელებზე, ლოკოკინებსა და მწერებზე ნადირობენ, რისთვისაც მათ ძლიერი შხამით ადამბლავენ. ამ ურჩხულთა მომრავლება სოფლის მეურნეობას სერიოზულ ზარალს აყენებს.


მეცნიერთა განცხადებით, ბრტყელი ჭიანჭელები სამხრეთ-აღმოსავლეთ აზიიდან არიან წამოსულები, რომლებმაც ევროპასა და მსოფლიოს სხვადასხვა რეგიონებში ჯერ კიდევ მე-19 საუკუნის მიწურულიდან დაიწყეს შემოდინება. ისინი იქაურ დეკორატიულ მცენარეთა ფესვების მიწას მოჰყვება. უნინ ისინი ახალ ტერიტორიებზე დამაგრებას ვერ ახერხებდნენ, ახლა კი, კლიმატის ცვლილების წყალობით, ევროპაში თავს მშვენივრად გრძობენ.

ყველაზე დიდი საშიშროება ისაა, რომ ეს ჭიანჭელები ჩვენშიც შესაძლოა, იგივე გზით მოხვდნენ და ყოველგვარი დაბრკოლების გარეშე გამრავლდნენ. ასეთი აგრესიის კლასიკური მაგალითია საქართველოს ტყე-ბალებს შემოსეული ფაროსანა, რომელმაც ჩვენი ქვეყნის დასავლეთ ნაწილში სოჭის ზამთრის ოლიმპიადაზე სპორტული ობიექტების გამწვანებისთვის გამოიწვიო ევროპული მცენარეებთან ერთად კრასნოდარიდან შემოაღწია. იმავეს თქმა შეიძლება ზღვის ბიბილოსანზე, რომელმაც კარგა ხანია, შავი და კასპიის ზღვების ბიოსისტემები „შავ დღეში“ ჩააგდო.

მდგომარეობას კიდევ უფრო ამძაფრებს ის გარემოება, რომ წინა ხელისუფლების დროს მრავალი შეცდომა თუ განზრახ ბოროტებაა გაკეთებული, რომელთა გამოსწორებას და სამართლიანობის აღდგენას დღესაც მაინცდამაინც არავინ ჩქარობს. ამას იმიტომ ვამბობ, რომ თავის დროზე, ახალგაზრდა თავხედმა ვაირფორმატორებმა ათასობით გამოცდილი სპეციალისტი ქუჩაში გამოყარეს – 40 წლის ხეც კი აღარ გვინდაო! მთელი რიგი სამსახური კი საერთოდ გააუქმეს, მათ შორის,

ფაქტობრივად, მოსპეს სამამულო გეოლოგიური დარგი, ფაგების წარმოება, სასაზღვრო სანიტარიული და ფიტოკონტროლი, არადა, სწორედ ამ სამსახურის უშუალო საქმიანობაა აგრესიულ სარეველებთან, მწერებთან, ცხოველებთან და ა.შ. ბრძოლა, რომელთაც არა მარტო საქართველოში, არამედ მთელ კავკასიის რეგიონში არ ჰყავს შემაკავებელი ბუნებრივი მტრები, რაც ფაროსანის მსგავსი შემოსევისგან დაგვიცავდა.

ამასთან დაკავშირებით, მხოლოდ ერთი რამის თქმა მიგვაჩნია საჭიროდ: კი ბატონო, ნუ გავიხსენებთ ცუდ წარსულს და უკან მიუხედავად მხოლოდ წინ ვიყუროთ, მაგრამ ის აშკარა დანაშაულებრივი ქმედებების კვალი



მაინც წავშალოთ და იმის აღდგენაზე ვიზრუნოთ, რაც ქვეყნისა და მოსახლეობის უსაფრთხოებას სჭირდება! ამ შემთხვევაში, ცხადია, სასაზღვრო სანიტარიული და ფიტოკონტროლის სრული მასშტაბით აღდგენას ვეულისხმობთ, მაგრამ, ამას გარდა, გასაკეთებელ-ასაღორძინებელი იმდენია და ისეთი მასშტაბით, რომ მათ ნაწილობრივ აღდგენასაც კი, თუკი ასეთი რამ საერთოდ შესაძლებელია, ათწლეულები დასჭირდება!

ნიკო ალექსანდრია



თუ გულის შეტევა გეწყებათ...

სწორედ სდება ხოლმე, რომ გულის შეტევა კაცს მარტო ყოფნის დროს მოსდის. ამიტომაც, თუკი უცხად იგრძნობთ, რომ გულის მუშაობის რიტმი დაგერღვით და გულის წასვლის ნიშნებს შეამჩნევთ, გახსოვდეთ, რომ საკუთარი სიცოცხლის გადასარჩენად სულ 10 წამი გაქვთ! ამიტომ, აუცილებლად დაიწყეთ რაც შეიძლება ძლიერად სველება! ყოველი დახველების წინ ჰაერი ღრმად ჩაისუნთქეთ – ამით სველა ხანგრძლივი იქნება და ფილტვების შიგნიდან წამოვთ, თითქოს ნახველის ამოღებას ცდილობთ. ჩასუნთქვა და სველება ყოველ 2 წამში უნდა მეორდებოდეს მანამდე, სანამ გული კვლავ ნორმალურად ფეთქვას არ დაიწყებს.

ღრმა ჩასუნთქვა ფილტვებში ჟანგბადის ღრმად შეღწევას უწყობს ხელს, სველების მოძრაობები გულს „უჭერს“ და სისხლს მოძრაობას აიძულებს. გულზე დაწოლა კი მას ნორმალურ რიტმში მუშაობას აიძულებს. ამდენად, ასეთი მოქცევით გულის შეტევის დროს კაცს ექიმის გამოსაძახებლად დამატებითი დრო ეძლევა.

მსოფლიოს

სპორტის საზღვარი და ბალკანური „ოქრო“

წლეულს 10 ივლისიდან ტამპერეში 20-წლამდე მსოფლიოს მსოფლიოს ჩემპიონატი გაიმართება, სადაც ამ შეჯიბრებაში გამოსვლის უფლება ხუთმა ქართველმა სპორტსმენმა მოიპოვა - ლაშა-გიორგი გურგენიძემ (ურო), დავით ოჩიგავამ (ურო), ბადრი ქიმაძემ (ბადრო), ნინო ნიქვაძემ (ურო) და საბა სვიჩავამ (3 კმ/წინააღმდეგობით). ამ უკანასკნელმა ფინეთში გასამგზავრებელი საგზურის სტამბოლში გამართულ 20-წლამდე მსოფლიოს ბალკანეთის ლია ჩემპიონატში დაიმსახურა.



საბა სვიჩავა

დაიკავა. 800 მეტრზე რბენაში 1.55,01-ით მეტი იყო გიორგი გიორგაძე. ასევე, მეტი იყო ადგილზე გავიდა ბადროს მტყორცნელი გია დავითაშვილი (47,46), ხოლო 110 მეტრზე თარჯრბენში დავით ლუკავამ ტრავმის გამო დისტანცია ვერ დაასრულა.

ლემსო ცინცაძე

მსოფლიოს 2018

ყაზანური უოკი

ბომბი სწორედ მაშინ გასკდა, როცა არავინ ელოდა. დიას, მას შემდეგ, რაც წინა მუნდიალის ფინალისტი არგენტინა გაჭირვებით გადაურჩა შერცხვენას, ან უკვე ყოფილ გერმანიას მოულოდნელად მოუწია ჩემპიონების ჩაღებვა და სამშობლოში მარადიული ლაქით დაბრუნება. ასე რომ, რუსეთი აღემანათავის საბედისწერო ქვეყნად რჩება. რასაკვირველია, როცა ამას ვამბობთ, უახლოეს წარსულსაც ვგულისხმობთ დიდი სამამულო ომის ჩათვლით, ზოგ-ზოგიერთი ჯიუტად რომ მოიხსენიებენ მეორე მსოფლიო ომად, თუმცა, მოდით, ისევ ყაზანში განვითარებულ დრამატულ მოვლენებს დავუბრუნდეთ.



გერმანია - სამხრეთ კორეა 0:2 პირველი ტაიმი 0:0

გოლები: კიმი (91-ე წთ), სონი (95-ე წთ). გერმანია პირველად ჩარჩა ჯგუფში. სხვათა შორის, წლეულს იქაურ ფეხბურთს საოცარი „პირველობები“ დაებედა - შეგახსენებთ, რომ ამას წინათ „ჰამბურგი“ პირველად გავარდა ბუნდესლიგადან, მაგრამ სად ლოკალური საკლუბო სიახლე და სად საერთო-ეროვნული ფიასკო, თანაც ვისთან? ბუნდესლიგაში რომ ყველაფერი რიგზე არ იყო, წინა შეხვედრებშიც დაადასტურა, მაგრამ ის, რაც ამჯერად მოხდა, გაცილებით სიღრმისეულ ანალიზსა

და, თუ გნებავთ, რადიკალური ზომების მიღებასაც მოითხოვს, რადგან, როგორც სჩანს, იოაკიმ ლიოვმა უკვე ამონურა საკუთარი თავი გუნდის მთავარი მწვრთნელის თანამდებობაზე და ხანგრძლივი წარმატებული მოღვაწეობისთვის მადლიერებასთან ერთად, თუნდაც დროებით, პენსიაზე გასვლასა და მშვიდ გარემოში დასვენებას იმსახურებს.

შედეგი - მექსიკა 3:0. შედეგი, მექსიკა - 6-6, კორეა, გერმანია - 3-3 ქულა.

ცნობისთვის: გერმანიამ XXI საუკუნეში დამკვიდრებულ ტრადიციას უერთგულა და იტალიისა და ესპანეთის მსგავსად, როგორც მოქმედი ჩემპიონი, მომავალ მსოფლიოს ჩემპიონატს ჯგუფური რაუნდიდან დაემშვიდობა.

ბრაზილია - სერბეთი 2:0, შვეიცარია - კოსტა რიკა 2:2.

ბრაზილია - 7, შვეიცარია - 5, სერბეთი - 3, კოსტა რიკა - 1 ქულა.

მერვედფინალში ითამაშებენ: ბრაზილია - მექსიკა, შვედეთი - შვეიცარია. ბიორგი შოთაძე

მოვლენის წინ

მინუს „მანუ“, მარკამ...

დღეს 19 საათზე თბილისის სპორტის სასახლეში დაიწება მსოფლიოს საკალათბურთო ჩემპიონატის საკვალიფიკაციო რაუნდის მესამე ტურის შეხვედრა: საქართველო - სერბეთი.

ნებისმიერ შემთხვევაში ერთ-ერთი ევროპული გრანდის ვიზიტი ჩვენს ქვეყანაში სპორტული სეზონის გამორჩეულ მოვლენად უნდა შეფასდეს და ასეცაა, მაგრამ არის ერთი ფაქტი, რომელიც დამდეგ საკალათბურთო დღესასწაულს გარკვეულწილად აფერმკრთალებს. ეს გახლავთ ის შემადგენლობები, რომელთაც მეტოქე ერთმანეთს უნდა შეებან, უფრო სწორად, საკადრო პრობლემები.

უპირველესად, ჩვენს დანაკლისზე ვთქვათ, რომელიც ისედაც საგრძნობი

გახლდათ, მაგრამ გუნდის კაპიტან მანუჩარ მარკოიშვილის ძველი ტაქტის რევივივმა მასპინძელთა დაცვაში ამოუცხები ნაპრალი გააჩინა. თუმცა, არის დადებითი სიახლეც - პარტნიორებს შეუერთდა და პრინციპული ბრძოლისთვის მათთან ერთად ემზადება ევროლიგის მოთამაშეთა ასოციაციის ახლახან არჩეული ვიცე-პრეზიდენტი და ესპანეთის ვიცე-ჩემპიონ „ბასკონიას“ კაპიტანი თორნიკე შენგელია, რომელსაც სტუმართა დამრიგებელი ალექსანდრე ჯორჯევიჩი განსაკუთრებით უფრთხის.

რადგან ბალკანელები ვახსენეთ, მათ დანაკლისაც გაცნობთ: სხვადასხვა მიზეზის გამო საქართველოში ჩამოსვლაზე უარი თქვეს მთელმა რიგმა ვარსკვლავებმა, მათ შორის თეოდოშიჩმა, ბოგდანოვიჩმა, რადულიცამ და ბიელიცამ, მაგრამ ტალანტების საბადოდ აღიარებულ ექს-იუგებს მაინც შთამბეჭდავი ანსამბლი ჰყავთ, რომელსაც ღირსეულად უნდა დაეუხვედეთ.

მოკლედ, შევავსოთ სპორტის სასახლის ტრიბუნები და თანამემამულეებს ჩინეთის საგზურის მოპოვებაში დავეხმაროთ!

ვიტალი ჯაფარიძე

QUALIFIERS კალათბურთი თბილისის სპორტის სასახლე 29 ივნისი - 19:00 საქართველო - სერბეთი 2 ივლისი - 19:00 საქართველო - ავსტრია

კოკაინის სექტორი

რა სჭირდა მარადონას?

30 წელს მუნდიალზე არგენტინისა და ნიგერიის ნაკრებთა შორის მატჩს უყურეთ, რასაკვირველია, არ გამოგრჩებოდით ლეგენდარული არგენტინელის - დიეგო მარადონას მთვლემარე სახე, არეული მზერა და ისეთი იერი, რომელიც მას საფეხბურთო კარიერის უკანასკნელ პერიოდში ჰქონდა.

ამ სურათის ხილვის შემდეგ, ბუნებრივია, მთელ საფეხბურთო სამყაროში დაიწყო მითქმა-მოთქმა იმასთან დაკავშირებით, თუ რა შეიძლება სჭირდეს სკანდალურ არგენტინელს. უმეტესობა, ცხადია, გონივრულ ეჭვს გამოთქვამს, რომ მარადონას მისთვის ესოდენ საყვარელ „საქმიანობას“ - ნარკომანიას მიუბრუნდა და პე-

ტერბურგის სტადიონის ტრიბუნაზეც კოკაინსაუნთქი ბრძანდებოდა.

მარადონას დამცველებიც გამოუჩნდნენ და განაცხადეს, რომ დონ დიეგო, უბრალოდ, დაღლილი იყო. უფრო მეტი, ფანტაზიის მქონე ხალხმა კი ყველაფერი რუსული არყის ძალ-მოსილებას დააბრალა და ისიც კი თქვეს, მარადონას არ უნდოდა არყის დაღვევა, მაგრამ ვიპლოჟაში მჯდომმა პუტინმა დააძალო.

თვალეზამოტრიალებულ დიეგო მარადონაზე მითქმა-მოთქმა, ცხადია, ასე მალე არ დასრულდება და არ უნდა გაგვიკვირდეს, თუ სულ მალე ამ ამბავზე სიმღერებიც დაიწერება, ლექსებიც გამოითქმება და სტადიონზე ჩაძინებული მარადონას ფოტოებს ბევრი ადამიანი მიოსურებზეც დაბეჭდავს. თავად დიეგო მარადონას კი რა ეშველება - ეს მართლა არავინ იცის...

კობა კობახიძე



ფიირ-კლი

„მილანი“ ავროტასეზიდან მოკვითეს

იტალიური „მილანი“ ევროტასეზიდან მოკვითეს. ეს ინფორმაცია გუშინ უეფამ ოფიციალურად დაადასტურა. ასეთი მკაცრი სასჯელის მიზეზი სამართლიანი თამაშის პრინციპის დარღვევა გახდა.

კერძოდ, გასულ ზაფხულს „მილანი“ დაშვებულზე მეტი თანხა დახარჯა და უეფას დღემდე ვერ წარუდგინა ვალის დაფარვის გეგმა.

შედეგად, „როსონერი“ ევროპა ლიგის გათამაშებიდან მოიხსნა, სადაც დამდეგ სეზონში

ში უნდა ეთამაშა. სასჯელი ერთწლიანია და იტალიელებს გადაწყვეტილების გასაჩივრების უფლება აქვთ. „მილანის“ ნაცვლად ევროპა ლიგაზე იტალიის ფლორენციის „ფიორენტინა“ წარადგენს.

მანუჩარ ბიორბაძე



ინტერნეტიდან

ირინას იხედავი

თანამედროვეობის ერთ-ერთ უშვარტეს და პოპულარულ მოდელს, რუს ირინა შეიკს რუსეთში მიმდინარე მუნდიალზე ბევრი ელოდა, თუმცა, ფეხმძიმე ასულმა სტადიონზე სმის ჩასლენამდე კვილს სახლში დარჩენა და თავისი მცირეწლოვანი ქალიშვილისა და ქმრის გარემოცვაში ფეხბურთის ტელევიზორში ცქერა ამჯობინა.

ირინა შეიკი ჯერ კიდევ მსოფლიოს ჩემპიონატის დაწყებამდე ამბობდა, რომ მუნდიალზე მხარს მის მშობლიურ რუსეთის ნაკრებს უჭერდა და, თქვენ წარმოიდგინეთ, იმის ამბიციაც კი გააჩნდა, რომ რუსთა გუნდი შეიძლება მსოფლიოს ჩემპიონი გახდეს.

ირინა შეიკის მეუღლე, ცნობილი მსახიობი ბრედლი კუპერი ფეხბურთის მოყვარული ნამდვილად, თუმცა, იგი, ცხადია, რუსეთის ნაკრების ქომაგობას არ აპირებდა და მისი არჩევანი არგენტინის საფეხბურთო ნაკრები გახლავთ. თუმცა, არგენტინის უფანტაზიო თამაშის ფონზე ვინ იცის, შეიძლება ისიც ცოლის ჭკუაზე გადავიდეს.



როსტომ რაჭველიშვილი

უღვთო იყო მისი სიკვდილი

იკონებზე რეზო ფარულიას

„ასა გაიშვიტა თუ არა კაცის ფანჯარის დროს, ლოდინის სარკველიდან მხედველად ფარულია რეზოს“
ფრიდონ ხალვაში



ელით დანაშაულის გრძობა აღედგა კაცს, რომელმაც რეზოს მამა უსამართლოდ გაიშვიტა სასიკვდილოდ, ეს კაცი, რეზოს მხრიდან შურისძიების მაგივრად მისთვის სიკეთის ქმნას ისე გაუოცებია, რომ თავში ხელი შემოურტყამს და სინანულით აღმოსდენია: „ანგელოზის მამის მკვლეელი ვარო!“

სიკეთე მუდამ იყო მისი ცხოვრების თანამდევნი, სრულიად ღირსეულად განვლო თავისი ცხოვრება.

რეზო ფარულიას ოჯახში!

* * *

ბატონი რეზო აღიარებული მეცნიერი იყო. მოღვაწეობდა ფინანსების სამეცნიერო-კვლევით ინსტიტუტში, ავტორი იყო დაზღვევის დარგში მრავალი სამეცნიერო ნაშრომისა, რომელთა შორისაც განსაკუთრებული ადგილი უკავია ბუნებრივი კატაკლიზმების რისკების შესწავლას. როგორც ცნობილია, ასეთი რისკ-ფაქტორები ბოლო დროს მნიშვნელოვნად მომაკვდა, ხოლო დაზღვევის დარგის სამეცნიერო შრომებში მას ნაკლებ ყურადღებას აქცევდნენ. მისი დამსახურებაა, რომ, სხვებთან თანაგვრობით გამოიკვლია ეს მოვლენები და შესაბამის რანგში აიყვანა, რაც დღევანდელი გადასახედიდან თანმხვედრია მთელ მსოფლიოში ასეთი რისკების გახშირებულ პრაქტიკულ გამოვლინებებთან (მიწისძვრები, ტყის ხანძრები, ღვარცოფები და ა. შ.). ბატონი რეზო ლექციებს კითხულობდა თბილისის საფინანსო აკადემიაში. მისი აღზრდილი მრავალი ათეული ახალგაზრდა დღეს წარმატებული კარიერის მქონეა. ის ამ აკადემიაში არაერთი სამეცნიერო ღონისძიებისა და ქართული პოეზიის და პროზის მოღვაწეებთან შეხვედრების ორგანიზატორი იყო. ბატონი რეზო არაორდინალური ადამიანი გახლდათ, მისი ქცევა, ნაზრევი, ამბის მოყოლა და ა. შ. ყოველთვის სხვებისგან განსხვავებული და განსაკუთრებული იყო.

ავითარდილ კვარაცხელია,
უახლოესი მეგობარი და კოლეგა

* * *

პროფესორი მწიგნობარი იყო რეზო ფარულიას შესახებ წარსულში ლაპარაკი. ჩვენ თავიდანვე უნიკალური, მეგობრული ურთიერთობა ჩამოგვიყალიბდა. წლების განმავლობაში ერთად ვმოღვაწეობდით სამეცნიერო-კვლევით ინსტიტუტსა და უმაღლეს სასწავლებლებში, მეგობრულად ვშრომობდით და ვცხოვრობდით. მემამყვება ამ ბუმბერაზ პიროვნებასთან მეგობრობა, რომელიც პუბლიკაციებში და ყველგან გულითად ნაფიც მეგობრად მისცენიებდა ხოლმე. ღვთითბოძებული ნიჭით და ბეჯითი სწავლის მეორებით ენციკლოპედიური ცოდნა ჰქონდა ბატონ რეზოს, რომელსაც უშურველად ახმარდა მეცნიერულ კვლევებს, სტუდენტების აღზრდას. უდიდესი გულის სითბოთი ლაპა-

რაკი უყვარდა, რითიც ყველასგან გამოირჩეოდა. საოცარი იუმორით, ტაქტით, სიკეთით, დახვეწილი მანერებით, კულტურითა და აღზრდილ ყველასთვის სასურველი და სანატრელი პიროვნება იყო. ბატონ რეზოს მიაჩნდა, რომ „სანამ ცოცხალი ხარ, მუდამ უნდა სრულყოფილ საკუთარ პასუხისმგებლობას სიკეთის ქმნისა და ადამიანთა სიყვარულისთვის“.

ბატონი რეზო ფარულია იყო მწერალი, პოეტი, საზოგადო მოღვაწე, დამსახურებული ჟურნალისტი, მეცნიერი, პედაგოგი, დიდი მამულიშვილი, მოყვასი, სანიმუშო მეგობარი. ჩემი თბილისიდან ნიუ-იორკში საცხოვრებლად გადასვლის შემდეგაც, სიცოცხლის ბოლომდე არ შეგვიწყვეტია მეგობრული ურთიერთობა, რის შესახებაც ვრცლად მაქვს დაწერილი 2013 წელს ნიუ-იორკში გამოცემულ წიგნში – „მე და თქვენ“.

რახან ასეთ დიდ, ღირსეულ პიროვნებაზე ვწერ, მსურს, ძალიან გამორჩეულად წარუდგინო იგი მკითხველს, მაგრამ, თითქოს ვერ ვახერხებ. მიზეზი შეიძლება იყოს ჩემი გრძობების, განცდების სრულად გადმოცემის შეუძლებლობა. ბატონი რეზო ფარულია დააკლდა კაცობრიობას, განსაკუთრებით საქართველოს. მან დატოვა სიცარიელე, რომლის შევსებას ვერ ვახერხებ. ნათელში ამყოფოს მისი სპეტაკი სული უფალმა.

დავით კურტანიძე,
უახლოესი მეგობარი და კოლეგა,
პროფესორი, ნიუ-იორკი, აშშ.

* * *

სრულიად ახალგაზრდად ისეთი ცნობილი პროფესორის გვერდით რომ მოგიწევს თავის დამკვიდრება, როგორც ბატონი იაშა მესხია იყო, არც ისე ადვილია. 90-იანი წლების პოზიტიურად გახსენება, მით უმეტეს აფხაზეთის ტკივილნაგემისთვის, იოლი საქმე როდია, მაგრამ ის თამამად შემოიძლია ვთქვა, ჩემი ცხოვრების საუკეთესო წლები იყო... ისეთი ადამიანების გვერდით „ვიფუფუსავ“, შემოიძლია მხოლოდ ამ ფაქტით ვიყო ბედნიერი. ბედნიერი ვარ ბატონ რეზო ფარულიას რომ ვიცნობდი, და არა მარტო ვიცნობდი, სწორედ ეს ურთიერთობა დაელო საფუძვლად ჩვენს მეგობრობას. შინაგანად ვგრძობდი, მის ბუმბერაზ სამყაროს. ასე მგონია, ბატონმა იაშა მესხიამ პირადად გაუხსნა ბატონი რეზოს დაზღვევის განყოფილება ჩვენს ინსტიტუტში, მომსწრე ვარ იმ მეტად საყურადღებო ინოვაციებში და წინადადებებში, რომელთა სადაზღვევო სფეროში დანერგვის პირველი ინიციატორი თვით ბატონი რეზო იყო.

არავისთვის არაა უცხო მის კაცთმოყვარეობაზე ლეგენდები, მაგრამ მე განსაკუთრებულ მოკრძალებას და სითბოს ვგრძობდი მისგან. ფინანსების ინსტიტუტში, არცთუ ისე კარგი სამუშაო გარემო სუფევდა, როგორც ზოგადად სამეცნიერო-კვლევით კერებში, მაშინდელ თბილისში, ხშირად გაყინულ ან დასიცხულ კაბინეტში ძალიან ჭირდა მუშაობა, სამშაბათობით დანიშნულ სხდომებზე მთელი ინსტიტუტის პროფესორი იკრიბებოდა და მათ შორის ბატონი რეზოც. ყველა დაიფანტებოდა 2-3 საათში, ბატონი რეზო კი თავისი ჩვეული სიდიდით გამიზნულად „აითრევდა“ ფესს და როცა ყველას ვინც მხოლოდ სამშაბათობით „მოღვაწეობდა“ ფსკ ინსტიტუტში წასულად დაიგულვებდა, თვითონაც გამოისურავდა კაბინეტის კარებს, გვეგონა, უკვე სახლში მიდიოდა, მაგრამ უცბად ჩვეული ჩახველებით მოადგებოდა ჩვენს ოთახს, სადაც ძირითადად კრებულზე მომუშავე ბირთვი ვრჩებოდით, და ათასგვარი საჭმლით დატვირთული გადმოაბიჯებდა ზღურბლს, ვითომ, კორექტირებისთვის უკან გამობრუნებულმა წამოიმძლეფანა ეს ყველაფერი... ხშირად, მისი ასეთი ყურადღებით გულწრფელად გაოგნებულთ, თვითონვე ჩვეული იუმორით გვახსენებდა და ეს ყველაფერი ბუნებრივი ჩანდა ამ დიდი კაცის ბავშვური გულწრფელობიდან გამომდინარე...

ლელა სოჭოლავა,
უახლოესი მეგობარი და კოლეგა

ნარკობარბების უაპი დღე

შინაგან საქმეთა სამინისტრომ ბოლო ერთი კვირის განმავლობაში ნარკორეალიზატორი დააკავა და განსაკუთრებით დიდი ოდენობით სხვადასხვა სახის ნარკოტიკული საშუალებები ამოიღო.

ამის შესახებ გუშინ შინაგან საქმეთა სამინისტროს ცენტრალური კრიმინალური პოლიციის დეპარტამენტის ორგანიზებულ დანაშაულთან ბრძოლის მთავარი სამმართველოს უფროსმა მამუკა ჭელიძემ ისაუბრა.

შინაგან საქმეთა სამინისტროს ერთ-ერთი მთავარი პრიორიტეტი ნარკოტიკების უკანონო ბრუნვის და გავრცელების წინააღმდეგ აქტიური, უკომპრომისო ბრძოლაა.

ქვემო ქართლის პოლიციის, განსაკუთრებულ დავალებათა დეპარტამენტის და ქვემო ქართლის საოლქო პროკურატურის თანამშრომლებმა, ერთობლივად ჩატარებული ოპერატიულ-საგამოძიებო მოქმედებების შედეგად, დიდი ოდენობით ნარკოტიკული საშუალების უკანონო შექმნა-შენახვა-გასაღების ბრალდებით, მარნეულში 4 ნარკორეალიზატორი დააკავეს.

მოსამართლის განჩინების საფუძველზე დაკავებული 4 პირიდან სამი წარსულში ნარკოდანაშაულისთვისაა დასაბრუნებული. მათ მიერ ჩადენილი დანაშაული 7-დან 14 წლამდე ვადით თავისუფლების აღკვეთას ითვალისწინებს. გამოძიებამ დაადგინა, რომ ბრალდებულები ნარკოტიკულ საშუალებას სისტემატურად ყიდდნენ.

კიდევ ერთი ფაქტია გამოვლენილი ნარ-



კოტიკული საშუალებების ინტერნეტით რეალიზაციისთან დაკავშირებით.

ჩატარებული ოპერატიულ-საგამოძიებო ღონისძიებების შედეგად, პოლიტიკოვსკაის ქუჩაზე მდებარე სასაფლაოს ტერიტორიაზე, ნარკოტიკების გასაღების ბრალდებით დაკავებულია უკრაინის რესპუბლიკის მოქალაქე, დროებით თბილისში მცხოვრები პირი. მის მიერ ჩადენილი დანაშაული 6-დან 12 წლამდე ვადით თავისუფლების აღკვეთას ითვალისწინებს.

დაკავებულის პირადი ჩხრეკისას ამოღებულ იქნა 8 შეკვრად დაფასოებული, სარეალიზაციოდ გამზადებული სხვადასხვა დასახელების სინთეტიკური ნარკოტიკული საშუალება.

ნარკოდანაშაულისთვის კიდევ ერთი პირი ქუთაისის აეროპორტში დააკავეს. შინაგან საქმეთა სამინისტროს ცენტრალური კრიმინალური პოლიციის თანამშრომლებმა, 1980 წელს დაბადებული პირი განსაკუთრებით დიდი ოდენობით ნარკოტიკული საშუალების უკანონო შექმნა-შენახვისა და საქართველოში უკანონოდ შემოტანის ბრალდებით დააკავეს. მის მიერ ჩადენილი დანაშაული 8-დან 20 წლამდე ან უვადო თავისუფლების აღკვეთას ითვალისწინებს.

სამართალდამცველებმა, დაკავებულის პირადი ჩხრეკისას, 8 შეკვრად დაფასოებული 122,2 გრამი ნარკოტიკული საშუალება „კოკაინი“, ბუპრენორფინის შემცველი 51 აბი „სუბოტექსი“, ასევე, ნარკოტიკული საშუალება „ტეტრაჰიდროკანაბინოლი“ ნივთმტკიცებდა ამოიღეს.

კახეთის პოლიციის დეპარტამენტის თანამშრომლებმა კი ლავოდეხის რაიონის სოფელ კაბალში 1998 წელს დაბადებული პირი განსაკუთრებით დიდი ოდენობით ნარკოტიკული საშუალების შექმნა-შენახვის ბრალდებით დააკავეს.

სამართალდამცველებმა, ბრალდებულის პირადი ჩხრეკისას, განსაკუთრებით დიდი ოდენობით – 275,77 გრამი ნარკოტიკული საშუალება „ტეტრაჰიდროკანაბინოლი“ ამოიღეს.

გამოძიება განსაკუთრებით დიდი ოდენობით ნარკოტიკული საშუალების შექმნა-შენახვის ფაქტზე მიმდინარეობს.

რუსეთს სირიიდან სამხედროები გამოჰყავს



„ბოლო რამდენიმე დღეში სირიიდან 13 თვითმფრინავი, 14 ვერტმფრენი და 1140 სამხედრო გამოვიყვანეთ.“ ამის შესახებ რუსეთის პრეზიდენტმა ვლადიმერ პუტინმა კრემლში სამხედრო სასწავლებლების კურსდამთავრებულებთან საზეიმო შეხვედრისას განაცხადა. მან დაამატა, რომ ჯარების გაყვანის პროცესი გრძელდება. ამასთან სირიაში ფუნქციონირებს აგრძელებს რუსული 2 სამხედრო ბაზა – ჰმეიმიში და ტარტუსი, ასევე დაპირისპირებული მხარეების მოსარჩეველი ცენტრი.

უზბეკი და ტრამპი კელსინკში შეხვდებიან

ტელეკომპანია FoxNews-ის ცნობით, რუსეთისა და აშშ-ის პრეზიდენტები ერთმანეთს ფინეთში, ჰელსინკიში შეხვდებიან. აშშ-ის პრეზიდენტმა დონალდ ტრამპმა ოფიციალურად სამიტის ადგილი და დრო არ დაასახელა, თუმცა მიკრობლოგში დაწერა, რომ შეხვედრა მალე მოხდება.



ნატოს რუსეთთან დიალოგი სურს



ბერლინის კანცლერმა ანგელა მერკელმა სიტყვით მიმართა ბუნდესტაგს ჩრდილოატლანტიკური ალიანსის მომავალი სამიტის შესახებ, რომელიც 11-12 ივლისს გაიმართება. მისი თქმით, ნატო რუსეთთან დიალოგის გამართვას მოითხოვს. „ჩვენ გვინდა, ვიყოთ მზად რუსეთთან დიალოგისთვის“ - განაცხადა მერკელმა.

ცნობილია, რომ აშშ-ის პრეზიდენტი დონალდ ტრამპი და თურქეთის პრეზიდენტი რეჯეფ ტაიპ ერდოღანი შეხვედრიან ნატოს სამიტის მოედანზე. ის ჩატარდება ბრიუსელში მიმდინარე წლის ივლისის თვეში. მასზე განიხილავენ აღმოსავლეთ ევროპასა და ავღანეთში სამხედროების ყოფნის საკითხებს.

2030 წლისთვის მსოფლიოს აეროპორტებს მთლიანად რობოტები „დაიპყრობენ“

2030 წლისთვის მსოფლიოს აეროპორტებს მთლიანად რობოტები „დაიპყრობენ“, მიიჩნევენ Aira-სა და Vero Solutions-ის ანალიტიკოსები. ტექნიკური მოწყობილობები მთლიანად თავის თავზე აიღებენ მგზავრთა რეგისტრაციის პროცესს და ასევე შეძლებენ მგზავრთა ემოციის საშუალებით მიღონ მათი ჯანმრთელობის შესახებ ინფორმაციას.



ცალკეული ავიაკომპანიები რობოტექნიკას უკვე იყენებენ. რობოტები დასაქმებულნი არიან ასევე ზოგიერთ აეროპორტშიც, თუმცა მათი მოვალეობა ამ დროისათვის მგზავრის კითხვებზე პასუხის გაცემა და მათი დაკვალიანებაა.

კანადელი მრავალსოლიანობისთვის დასაჯეს




კანადის ერთ-ერთი პროვინციის სასამართლომ 61 წლის უინსტონ ბლექმორს განაჩენი გამოუტანა. მამაკაცი 2017 წელს 24 ცოლის ყოლაში დაადანაშაულეს. მას 149 შვილი ჰყავს. ის ციხეში არ ჩასვს და 6 თვით შინაპატიმრობა მიუსაჯეს, რომლის ფარგლებშიც ის სამსახურში სიარულს შეძლებს. მას 150 საათი საზოგადოებრივი სამუშაოების შესრულება მოუწევს.

სასამართლომ დამანაშავედ სცნო ბრეკმორის სიძეც, რომელსაც 5 ცოლი ჰყავს. წარსულში ისინი გარიყული ფუნდამენტალისტური ქრისტიანული ეკლესიის (მორმონები) ეპისკოპოსები იყვნენ, ცხოვრობენ ბაუნტიფულის დასახლებაში, სადაც პოლიგამიის 1500 მომხრე ცხოვრობს.

ინტელექტის ნიშანი

ბანბანის გრძობა მაღალი ინტელექტის ნიშანი ყოფილა – ეს დასკვნა ამერიკელმა ევოლუციურმა ნეირობიოლოგებმა გამოიტანეს.



მეცნიერთა აზრით, ევოლუციის პროცესში განგაშის გრძობა და ინტელექტი ერთმანეთის პარალელურად ყალიბდებოდნენ, ვინაიდან გამუდმებით ფხიზლად ყოფნა ადამიანისა და მისი ოჯახის გადარჩენას უწყობდა ხელს. მოგვიანებით კი ეს არასაჭირო თვისება დამკვიდრდა.

გაიღიმა, გენასვალა!



ის, თუ როგორ ვიღივებით, იმაზე ყოფილა დამოკიდებული, თუ რა მიზანს ვისახავთ ამ დროს: დაჯილდოებას, ნახაღისებას, კავშირის დამყარებას თუ იმის სადემონსტრაციოდ, თუ „ვინაა ჩვენს შორის მთავარი“, – აცხადებენ ამერიკელი მეცნიერები.

ეს მიმიკური გამოხატულებები ევოლუციის მსვლელობისას წარმოიშვა და მათი მიზანი სოციალურ ჯგუფებში ძირითადი პრობლემების გადაჭრაა. ისინი, არსებითად, თანამოსაუბრისთვის სამი ნიშნის გადაცემას ემსახურება: „მადლობა, მე ეს მომწონს“ (ნამახალისებელი ღიმილი), „ნუ გეშინია, შენთვის ტკივილის მოყენებას არ ვაპირებ“ (თბილი, სანდო დამოკიდებულების შემქმნელი ღიმილი), „ეი, აქ მე ვარ მთავარი“ (დომინანტური ღიმილი).

მეცნიერები მიიჩნევენ, რომ თუკი ჩვენ გვემის ღიმილის არსი, პარტნიორთან საქმის წაძლოლა გაგვიადვილდება, ამას კი მნიშვნელობა განსაკუთრებით იმ შემთხვევაში ექნება, თუკი ისინი სხვა სოციოკულტურული ჯგუფებიდან არიან.

ენა და სენა



ჩინური ენის სწავლა მუსიკალურ სენას ავითარებს, ასეთია კალიფორნიის უნივერსიტეტის მეცნიერთა მიერ ჩატარებული კვლევის შედეგი.

დადგინდა, რომ ის ბავშვები, რომელთა მშობლიური ენა ჩრდილოჩინურია, თავიანთ ინგლისურენოვან თანატოლებზე უკეთ არჩევენ მუსიკალური ბგერების სიმაღლეს.

მკვლევარები აცხადებენ, რომ ჩრდილოჩინური – ესაა ტონალური ენა, რომლის შემსწავლელი ბავშვები ხმის ტონის შეცვლას ძალიან სწრაფად სწავლობენ.

სტრენისგან დამსველი თევზები

ალღიშობისა და ექსტერის უნივერსიტეტების მეცნიერებმა გამოკვლევა ჩატარეს, რომლის მიზანი ადამიანის მდგომარეობაზე აკვარიუმის თევზების ზეგავლენის შესწავლა იყო.

აღმოჩნდა, რომ მათ, ვინც აკვარიუმის თევზებს დღეში თუნდაც 15 წუთის განმავლობაში ათვალიერებენ, არტერიული წნევა და პულსი უმცირდებათ, ადამიანი დუნდება და მშვიდდება. მნიშვნელობა არა აქვს, რომ აკვარიუმის თევზს, ვთქვათ, ძალღივივით ან კატასავით ვერ მოეფერები, სამაგიეროდ სანვალებელიც ნაკლებია. გარდა ამისა, აკვარიუმის ბინაში ჰაერსაც ნამავს, რაც აქტუალურია როგორც ზამთარში გათბობის სეზონის დროს, ასევე პაპანაქება ზაფხულში.



საქართველოს რესპუბლიკა
SAKARTVELOS REPUBLIKA
კოსტავას ქ. №21
მთავარი რედაქტორი
სპარტაკ ძოგულია
299-02-10
599 36-00-35
ბასუსისმგებელი რედაქტორები:
გურამ გომიაშვილი
599 53-76-16;
ალექო
ასლანიშვილი
599 56-81-86;
ბასუსისმგებელი მდივანი
მამუკა ვაშაქიძე
514 33-33-24
გამომცემელი:
შპს „თანადგომა“-ს გაზეთ
„საქართველოს რესპუბლიკის“
გამომცემელი“
ტ: 599 79-76-79
შპს „ახალი საუკუნე“
იბეჭდება გამომცემლობა
„ქოლორ პრესში“
რკინიგზის ჩიხი №20
uac(უაკ)070.4(479.22)
ს-323
ISSN 2233-3851
9 772233 385001
ავტორთა
საჩუქრადღებოდ!
რედაქციის მიერ
შუპკვითაში მასალაში
დაიბეჭდა ავტორ-
თა ხარჯით.
ავტორთა მოსარება-
ში, შესაძლოა, მუდამ
არ ემთხვეოდეს
რედაქციის პოზიციას.
ფაქტების სიზუსტეზე
პასუხს აგებენ
ავტორები.

„საქართველოს
რესპუბლიკა“
შენი გაზეთია.
აუსილვლად
გამოიწერა.
იყიდა.
წაიკითხე!

Table with contact information for Sakartvelo magazine, including phone numbers for various regions and subscription rates.